

拾

雅

拾雅原序

詁訓爲古咎所特重記有之書同文魯論亦屢稱博文
古者謂字曰文止戈爲武反正爲乏之見於傳者指事
會意卽詁訓矣亦謂之名孔子論政莫先於正名名不
正則言不順然則正名者正其義訓也禮樂刑政非文
不察天地萬物非文不彰治亂表正非文不省是以咎
周公制禮旣使外史達書名於四方又屬瞽史諭書名
猶懼其乖亂也復著爾雅一篇綜攝都凡綱挈目布所
以俾天下灼然於名義之不可淆以一人心而苞萬彙
者體約而用綦博也孔門增益雅訓彌廣迨漢文字日

孳而外史韜軒之官廢揚子雲作方言擬之未能罄也
於是魏張稚讓作廣雅依爾雅部居擷方言之腴麇羅
羣籍補所未逮炳炳乎詁訓之傳於是爲盛顧竊聞事
有終始大戴記曰夫禮始於脫成於文終於隆至備之
謂隆方其始也易簡而理得苟要乎其終則必探賾索
幽疏濬剔抉如百川之備入於海罔或洩焉而後無憾
閒考廣雅所甄錄尙不無絀漏且爾雅以釋六藝之言
用正經義張君閒收會韻說文僻字雖存古之盛心而
文籍無徵載不勝載例亦懵焉味堂質性驚憇幼侍學
大父鄉賢府君粗知問字長涉羣書隨得劄錄歷有年

所後見同郡阮制軍芸臺經籍纂詁同里王觀察懷祖
廣雅疏證上下千古靡不賅洽猶慮後學未能貫通爰
輯所錄徧繙故笈仍依前雅部居安事撫補共得六卷
名曰拾雅所補大要有三爾雅各部已釋而未詳一也
廣雅詁訓已釋而未詳二也爾雅廣雅所遺釋三也其
所不錄亦有六焉一則經傳所已釋如易彖傳序雜卦
傳及禮記刑劓富福春蠶秋愁也一則自有專書如周
禮官名本草藥名也一則前雅反覆互訓如爾雅初始
之往天帝帝后也一則古體字不復出如屈艮載執聿
收也一則方言說文三倉字不爲經史羣籍采用者如

廣雅鼃率釋類也一則見於小爾雅釋名亦不復出也
外此則凡文同義異文近義同經師別解詳著於篇同
者得其會通異者博其旨趣辭取舊注不敢刪易以云
述也更念字原於一畫奇偶既判虛激而爲聲實麗而
爲事鉅千吹萬實出一源是以遺釋之拾析虛則以聲
貫之徵實則以事差之庶幾張君所云天地人物制度
訓詁者紛綸散漫咸網羅一氣之中而靡不舉綴輯以
來晝考夕思爰歷八載鈍與髦俱複脫不免仰企

當世精博通儒維終始之義難蕪彌罅俾得附廣雅末
以一勺裨江海於焉備名義而苞萬彙固愚者私淑之

心未敢遽出也沈君鈞好古成美聳味堂出其彙爲校
正訛失授諸名梓洵良友高誼而撫卷竊用滋慙云嘉
慶己卯夏五月澹人甫夏味堂白敘

拾雅注序錄

伯兄澹人著拾雅六卷沈君晃村旣爲付梓烏程嚴君鐵橋以書來糾正譌字十餘處伯兄復刪增複漏數十條乃成完書讀者咸以不見注釋爲憾紀堂不揣舛陋偕兩姪齊林雲林請爲之注弗許再三請始授讀三月而竣事校寫之勞齊林任之繙檢羣籍雲林任之若其取裁繁簡間有論辨則紀堂不敢辭注成共得二十卷以復於伯兄兄笑曰子雲好奇尙譏覆瓿况故紙堆中生活耶聊以代敝帚可也是書凡例略見自序中猶有未盡者

拾前雅詁言各條皆循經史子集爲次義訓錯出
不以類敘遵前雅例也釋訓以下則事物類敘不
復計原書之先後體固爾也所采書有數端竝舉
而止取一二端者其不取者已見前雅也拾遺本
以補前雅之闕而或有與廣雅複出者以其語焉
而未詳也至作注之例惟經傳全載義取貫通餘
舉一隅而已省繁冗也聲近義同者本文兼采而
亦有補出注中者原書之注明云某與某同或云
某某通用故本文不取而作注固不容略也又有
同一字而注語不取前書取後書者以前書無注

而後書有注所謂述也自郭景純注爾雅其所易
了闕而不論後世多宗之茲則每字輒注取其備
也且亦漢儒注釋之所不廢也嘉慶庚辰孟春月
同懷弟紀堂謹識

拾雅釋

卷第一之卷第六

拾廣釋

卷第七之卷第十

拾遺釋

卷第十一之卷第二十

實久未茂初
番正顯赫

拾雅卷第一

高郵夏味堂述

拾雅釋一

拾爾雅已釋之所未備也

釋詁上

載殆徂兆統生迺開正春幼父且昉素端經新樞鼎始也

書皋陶謨載采采史記夏本紀作始事事益稷篇乃
廣載歌曰詩駟鐵篇載檢歌駟皇矣篇載錫之光載
見篇載見辟王載芟篇載芟載柞閔宮篇秋而載嘗
七月篇殆及公子同歸四月篇六月徂暑左傳哀元
年能布其德而兆其謀公羊傳隱元年大一統也孟
子舜生於諸馮漢書賈誼傳太子迺生後漢書馮衍
傳開歲發春兮後漢書陳寵傳天以爲正周以爲春
管子有幼官篇老子吾將以爲教父莊子庚桑楚篇

與物且者列子黃帝篇衆助同疑書大傳著其素家語禮運篇而五行之端鬼谷子抵巇篇經起秋毫之末淮南齊俗訓而刀如新剖礪太元事次二事在樞文選左思吳都賦其居則高門鼎貴

良陽師政尊圓君也

禮記少儀篇負良綬漢書五行志象陽將絕後漢書傳熒傳府君寧有意爲吾屬師乎法言先知篇政吏駢惡文選江淹雜體謝臨川詩山嶠備盈缺李善注引春秋元命包月盈而闕者詘鄉尊鬼谷子揲闔篇是謂圓方之門戶

光肇泰保盱祇設元渠逢任阜膚圃空項膺哆頌倬簪汾亦佛舄桓弁普康棹名桔重侈矜胖淳厚害甚流陽至高益多祝長偉石邱閔覃闡孟孔徇馮憑傀負降循頡涇牟充勃滔冀碭混襲略上脩閒供章疎庸彌浩隱

坦殊單斤大也

易坤含萬物而化光詩皇矣篇載錫之光左傳昭廿八年光有天下易訟或錫之鞶帶陸德明釋文鞶王肅作槃鞶通泰卦馬融注象傳順相保也豫盱豫悔陸德明釋文盱姚作盱漢書地理志引詩恂盱且樂詩溱洧釋文作盱蓋盱盱通矣易復无祇悔益長裕而不設周禮考工記桃氏中其莖設其後書大禹謨汝終陟元后詩六月篇元戎十乘禮記文王世子篇一有元良書允征篇殲厥渠魁周禮鍾師肆夏鄭注引呂叔玉云肆夏繁遏渠書洪範篇子孫其達吉詩燕燕篇仲氏任只駟鐵篇駟鐵孔阜左傳襄廿六年韓氏其昌阜於晉乎詩六月篇以奏膚公孟子引詩殷士膚敏文選班固東都賦豐圖草以鑣獸李善注韓詩曰東有圖草薛君曰圖博也有博大茂草也國語周語亦云藪有圖草也詩白駒篇在彼空谷節南山篇四牡項領小旻篇民雖靡盬巷伯篇哆兮侈兮魚藻篇有頌其首械棨篇倬彼雲漢柔篇覆背善言韓奕篇汾王之甥豐年篇亦有高康噫嘻篇亦服爾耕敬之篇佛時仔肩閟宮篇松楸有舄長發篇

元王桓撥儀禮士冠禮記周弁士虞禮記普淖禮記
祭統篇康周公檀弓篇殷人棺槨禮器篇因名山升
中于天緇衣篇有枯德行儒行篇引重鼎不程其力
左傳襄四年武不可重禮記雜記篇其衰侈袂表記
篇君子不矜而莊大學篇心廣體胖鄭語以淳耀惇
大楚語不厚其棟國策秦策非能厚勝之也孟子時
日害喪王之好樂甚國語晉語流志而行國策秦策
天下陰燕陽魏法令至行齊策志高而揚夫救趙高
義也中山策中山雖益廢王史記五帝紀與爲多焉
楚世家帝嘗命曰祝融漢書景帝紀皆長吏也武帝
紀猗與偉與律厯志石者大也權之大者也楚元王
傳時時與賓客過其邸嫂食張山拊傳人則鄉唐虞
之閭道敘傳揚雄覃思闡元極管子任法篇莫敢高
言孟行以過其情老子孔德之容莊子庚桑楚篇能
侗然乎侗與侗同論衡齊世篇上世之人侗長美好
莊子知北遊篇彷徨於馮閭列子湯問篇帝憑怒苟
子性惡篇則傀然獨立天地之間而不畏瑰與傀同
文選謝靈運初去郡詩豈足稱達生李善注引莊子
達生之情者傀司馬彪注傀讀曰瑰呂氏春秋盡數
篇與爲叟明古樂篇降通謬水以導河明理篇流散

循饑無日矣頡顙百疾序意篇歲在泥灘謹聽箭牟而難知必已篇而禍充夫地淮南天文訓賁星墜而勃海溢陸形訓西南戎州曰滔土正中冀州曰土中本經訓元元志碭而運照猶在於混冥之中渾與混淆文選班固幽通賦渾元應物淮南主術訓一人被之而不褒汜論訓總其略行說山訓是以能上之脩務訓吳爲封豕脩蛇書大傳閒尾倍其身維時供祀六沴孝經內事圖帝座章而光太元元首都序三位疎成內次五遇庸夷元告而天地彌陶之謂神明不窮楚辭東皇太一篇陳竽瑟兮浩倡怨思篇帶隱虹之透蛇文選張衡西京賦雖斯宇之旣坦超殊榛揚雄甘泉賦單塊垣兮左思魏都賦墳行斥斥案爾雅有宏溥懔王甫此亦有閎普騰任圃者古昔制字音同則義近可假借而實非一字宏洪遐假雅訓並列訐芋粗麤稚讓兼收是其例矣凡若斯者悉拾之以廣訓義以見諧聲會意之一端惟各書所引之文有與原書字跡小異或各注中有云某與某同某與某通者是兩字實一字也皆不複出而第於注中申明之諸如鍾鼎款識

賦附各書註中
去錄言集與

實荒域爲雍時燿惟有也

詩小星篇實命不猶閔宮篇遂荒大東元鳥篇正域
彼四方孟子將爲君子焉將爲野人焉爲間不用國
策秦策雍天下之國逸周書皇門解惟時及胥學于
非夷淮南覽冥訓星燿而元運文選張衡東京賦卜
惟洛食

距造摯之底止傳荒戒達耆頤放愾蕤嘖流暨集比踵
屬邸次郅詣狃過迪投還以若稽適招際躡拂蔽蹠湊
款萃觥至也

書益稷篇子決九川距四海盤庚篇咸造勿棄在王
庭呂刑篇兩造具備周禮大司寇以兩造禁民訟司
門凡四方之賓客造焉儀禮士喪禮造于西階下書
西伯戡黎篇大命不摯禮記曲禮篇凡摯贊與摯通
舜典篇二生一死贊詩柏舟篇之死矢靡他祈父篇

靡所底止小旻篇伊於胡底左傳成十六年人恤所
底昭廿六年未有攸底詩抑篇淑慎爾止泮水篇魯
侯戾止苑柳篇亦傳于天閔宮篇遂荒大東烈祖篇
既戒既平周禮考工記匠人專達於川禮記曲禮篇
六十曰耆檀弓篇頎乎其至也祭義篇推而放諸東
海而準孟子放於琅邪放乎四海摩頂放踵禮記哀
公問則愷乎天下矣左傳隱六年猶懼不斂定四年
噴有煩言穀梁昭八年傳流旁握國語周語上求不
暨晉語不其集亡論語比及三年孟子踵門而告文
公國策齊策軍重踵高宛又云舉齊屬之海西周策
除道屬之於河史記河渠書自中山西邸瓠口爲渠
酷吏傳內深次骨漢書司馬相如傳爰周郅隆楊王
孫傳未得詣前揚雄傳登榑欒而狝天門兮陸賈傳
率不過再過敎傳漢迪于秦後漢書任光傳投暮入
堂陽界逸周書周祝解故時之還也無私貌老子以
正治國貴大患若身莊子逍遙遊篇大浸稽天而不
溺天地篇以二缶鍾惑而所適不得矣呂氏春秋本
生篇命之曰招屨之機文選枚乘七發命曰屨痿之
機李善注引呂氏春秋招屨作佻屨案下文爛腸之
食伐性之斧句法似當以招爲是知度篇奇怪之所

際淮南覽冥訓徑躡都廣天文訓拂于扶桑墜形訓
蔽于委羽之山齊俗訓致其所雖太元元規臚湊羣
辟文選張衡西京賦繞黃山而款
牛首悵懷萃嵇康琴賦觸巖鯀隈

于且皇遡發走臯踐古往也

詩桃夭篇之子于歸采芣篇于以采芣雨無正篇維
日于仕江漢篇于疆于理溱洧篇士曰既且信南山
篇先祖是皇大戴記夏小正篇遡鴻鴈周髀算經日
道發斂之所生也莊子達生篇高門縣薄無不走也
秋水篇證臯今故呂氏春秋古樂篇王命周
公踐伐之文選張衡東京賦慨長思而懷古

慶釐行胙飫勞周賜也

詩楚茨篇孝孫有慶甫田篇農夫之慶江漢篇釐爾
圭瓚禮記月令篇行糜粥飲食國語齊語反胙於絳
書序九其九篇稟飫管子山權數篇勞
若以百金呂氏春秋季春紀周天下

易弔腴好靖巧施義价媾繕羊更正就成至元文宜賢

惠珍安詮慊純能選俛肖獻妙謹頌是譽禎進睦修最善也

易繫辭傳辭有險易書費誓篇無敢不弔詩節南山篇不弔昊天新臺篇籛條不殄鄭箋殄當作腆儀禮士昏禮辭無不腆燕禮寡君有不腆之酒聘禮不腆先君之祧詩遵大路篇不寔好也何人斯篇作此好歌禮記仲尼燕居篇領惡而全好者與詩東門之墀篇有踐家室藝文類聚八十七引韓詩作有靖家室雨無正篇巧言如流何人斯篇我心易也陸德明釋文韓詩作我心施也文王篇宣昭義問禮記緇衣篇章義揮惡詩板篇佂人維藩周禮大司徒一曰媯宮室媯美通用儀禮士喪禮美者在中周禮夏官序官繕人考工記車人羊車二柯有參分柯之一函人則材更也儀禮士冠禮以歲之正士喪禮決用正王棘若釋棘儀禮既夕禮若就器則生奠于陳禮記檀弓篇是故竹不成用王制篇成器不弔于市周禮考工記弓人覆之而角至薄錙黹黹亦禮記王制篇天子之元士月令篇乃以元日所殺於上帝左傳文十

八年謂之入元禮記樂記篇以進爲文內則篇子甚
宜其妻獻其賢者於宗子表記篇節以壹惠儒行篇
儒有席上之珍以待聘國語晉語君父之所安也論
語異乎三子者之撰陸德明釋文撰鄭作俱讀日詮
詮之言善也國策齊策苟可憐齊貌辨者史記漢興
以來諸侯年表非德不純漢書百官公卿表柔遠能
通王莽傳君以選故而辭以疾後漢書和熹鄧皇后
紀減逐疫飯子之半老子若肖久矣莊子大宗師篇
獻笑不及排寓言篇九年而大妙楚辭九章懷沙篇
謹厚以爲豐淮南覽冥訓猛獸食顓民脩務訓立是
廢非本經訓經誹譽文選左思魏都賦顯禎祥以曲
成東京賦因進距袁閭有不避張衡思元賦伊中情
之信修陸機文賦
考殿最於錙銖

論敘也

淮南脩務訓
惟聖人論之

序統旨繹緒也

詩閔子小子篇繼序思不忘漢書宣帝紀惟萬事統
敘傳系高頊之元胄兮文選揚雄劇秦美新歌靈粹
樂耽弁湛宴嘉榮虞闔易燕聊嗜譽堪勸游安好涓嬉
樂也

詩考樂篇考樂在淵氓篇無與士耽禮記中庸篇引
詩和樂且耽小弁篇弁彼鸛斯鹿鳴篇和樂且湛賓
之初筵篇子孫其湛左傳成二年衡父不忍數年之
不宴禮記禮運篇以嘉魂魄國語晉語非以晉爲榮
漢書禮樂志神夕奄虞蓋孔享司馬相如傳昆蟲闡
澤揚雄傳易幽岐之夷平後漢書鄭興傳燕翼宣王
楚辭逢尤篇心煩憤兮意無聊呂氏春秋誣徒篇然
則王者有嗜乎理義也孝行覽天下譽報更篇堪士
不可以驕恣屈也爲欲篇則是三者不足以勸貴直
論其干戚之音在人之游淮南汜論訓而百姓安之
法言孝至篇習亂則好始治也文選左思吳
都賦酣湑半張衡思元賦追漁父以同嬉

伏虜覆執帖壓被臣靜弭首勞服也

易繫辭古者庖犧氏之王天下也陸德明釋文庖孟
京作伏詩常武篇仍執醜虜瞻卬篇女覆說之執競
篇執競武王公羊僖四年傳卒怙荆文十四年傳子
以大國壓之厭與壓同後漢書桓榮傳每以禮讓相
厭國語周語夫子被之矣國策秦策而欲以力臣天
下之主逸周書周祝解民乃靜後漢書吳漢傳城邑
莫不望風弭從西域傳雖有降
首莊子秋水篇任士之所勞

述踐沿灘隨巡師循也

書五子之歌述大禹之戒以作歌詩日月篇報我不
述儀禮士喪禮不述命少牢饋食禮遂述命日論語
不踐述荀子榮辱篇錙之重之反鉛察之而俞可好
也禮論篇則必反鉛過故鄉楊倞注竝云鉛與沿同
呂氏春秋序意篇歲在涪灘離騷猗猗之麟之
淮南脩務訓隨山乘木公羊隱八年傳天子有事
於泰山何休注五年親自巡守巡猶循
也太元窮次三測日窮思達師在心也

靜莫講策資謀規言譖權構推故謀也

書堯典篇辭言庸遠詩巧言篇聖人莫之左傳襄五年講事不令禮記仲尼燕居篇田獵戎事失其策表記篇事君先資其言後漢書張衡傳同志竭來從元棋趙熹傳思爲久長規呂氏春秋義賞篇文公用咎犯之言淮南本經訓設詐誣主術訓任輕者易權說林訓文王與諸侯構之太元元圖馴幽推厯文選何晏景福殿賦省生事之故

習或夷載藝固方期本凡處舊俗一常也

易坎習坎恒或承之蓋論語引易同書顧命篇夷王詩皇矣篇串夷載路柏舟篇胡迭而微陸德明釋文迭韓詩作載左傳昭十三年貢之無藝禮記曲禮篇求毋固檀弓篇左右就養無方內則篇博學無方論語遊必有方史記萬石張叔傳期爲不絜清屈原傳易初本由今君子所鄙荀子禮論篇凡緣而往埋之呂氏春秋誣徒篇喜怒無處淮南汜論訓苟周於事不必循舊故變古未可非而循俗未足多也說林訓而又况一不信者乎

象其程廡典度彝殺儀繩軌摹方義准欵體庸科放規翼法也

書舜典篇象以典刑儀禮士冠禮記象賢也書九共序九共九篇詩小旻篇匪先民是程民雖靡廡維清篇文王之典周禮大司寇掌建邦之三典禮記曲禮篇典司六典左傳昭四年度不可改周禮春官序官司尊彝禮記禮運篇般于地國語周語度之於軌儀史記樂書以繩德厚也漢書王子侯表或替差失軌後漢書仲長統傳三代不足摹湖也注中郎顗傳為其方也呂氏春秋貴公訓遵王之義君守訓有淮不以平淮南傲真訓襲九竅本經訓帝者體大一元中次三首尾信可以為庸從次五從水之科滿家語終記篇吾將安放文選張衡東京賦則同規乎殷盤班固典引降承龍翼

釁罰獄非皋也

罪與皋同

左傳宣十二年觀釁而動國語周語是有逸罰鄭語褒人有獄呂氏春秋安死篇吾不非鬬長見篇將以

非不穀

胡考壽也

詩載芟篇胡考之寧毛傳胡壽也漢書郊祀志胡考之休顏師古注考壽也

貞單洵盟忱瑞質節周充許驗傳良符徵篤兆梁頊信也

易文言傳貞固足以幹事書洛誥篇乃單文祖德詩天保篇俾爾單厚靜女篇洵美且異叔子田篇洵美且仁宛邱篇洵有情兮黃鳥篇不可與明鄭箋明當作盟大明篇天難忱斯周禮小行人成六瑞禮記禮器篇以圭為瑞左傳文十二年以為瑞節昭十六年與蠻子之無質也廿年以三公子為質公羊哀六年傳與之玉節而走之周禮地官序官掌節禮記玉藻篇凡君召以三節穀梁成十七年傳公不周乎伐鄭也爾雅釋地濟河間曰兗州孟子則王許之乎國策齊策亦驗其辭於王前漢書文帝紀除關無用傳五

行志中國其良絕矣司馬遷傳智之符也莊子逍遙遊篇故夫知效一官行比一鄉德合一君而徵一國者呂氏春秋孝行篇朋友不篤淮南本經訓著龜兆白虎通義封禪篇梁者信也風俗通義皇霸篇引書大傳項者信也

忱質簡甚悃致精真忠衷果誠也

書湯誥篇尙克時忱左傳襄九年要盟無質禮記王制篇有旨無簡不聽國策秦策左右皆曰甚然漢書劉向傳發憤悃悃老子其致之管子心術篇中不精者心不治荀子解蔽篇蚊虻之聲聞則挫其精勸學篇真積力久則入禮論篇其忠至矣成相篇欲衷對言不從淮南道應訓令不果往

聿曰也

漢書食貨志
聿爲改歲

焉乎烏於也

公羊隱二年傳託始焉爾宣六年傳則無人閏焉者
禮記中庸篇見乎著龜繡攸好呂氏春秋貴信篇又
光乎人事淮南原
道訓扞烏號之弓

協聯同厭比從摩歡并粹糾緝當舐合也

書堯典篇協和萬邦周禮大史與羣執事讀禮書而
協事小行人協九儀賓客之禮禮記禮運篇協于分
藝協諸義而協左傳昭七年告之夢夢協周禮大司
徙三曰聯兄弟儀禮少牢饋食禮尸受同祭于豆祭
國語周語克厭天心吳語而孩童焉比謀國策秦策
從而伐齊簡練以爲揣摩而大國與之歡漢書李廣
傳而令廣并於右將軍董仲舒傳勿猥勿并司馬相
如傳粹雲蓋而擬華旗後漢書荀彧傳若紹收離糾
散莊子則陽篇雖使邱陵草木之緒呂氏春
秋大業篇莫不成當大元元圖外舐亢貞

晤讎敵互質伉禦抗配嚮對也

詩東門之池篇可與晤歌左傳僖五年憂必讎焉文
六年敵惠敵怨周禮鼈人掌取互物禮記曲禮篇雖

質君之前國語周語棄其伉儷妃嬪論語禦人以口給史記酈生陸賈傳與天子抗衡漢書王莽傳基成而賞不配楚辭九章惜誦篇戒六神與鬻服

配婢也

詩皇矣篇
天立厥配

續及蕤統襲系踵世繼也

詩七月篇載續武功大明篇續女維莘崧高篇王續之事禮記中庸篇武王續大王王季文王之緒公羊莊卅二年傳一生一及何休注兄死弟繼曰及漢書律厯志四月蕤賓蕤繼也賈山傳自以為過堯舜統揚雄傳襲琬室與傾宮兮後漢書班彪傳系唐統列女傳踵而成之荀子彊國篇有天下者之世也國語吳語吳國猶世章昭注世繼世也

閼漠莫泊覃希閒清靖青靜也

易豐閔其無人漢書賈誼傳賈人恬漠外戚傳遂曉
莫而昧幽蔡邕傳明哲泊焉後漢書侯瑾傳覃思著
述老子聽之不聞名曰希楚辭招魂篇待君之間些
文選張衡思元賦懲渙忍而爲清旣防溢而靖志兮
潘岳射雉賦涉
青林以遊覽兮

弛墮飄風解凋頽陀落也

論語君子不弛其親漢書匈奴傳匈奴孕重墮殞莊
子達生篇雖有岐心者不怨飄瓦呂氏春秋審時篇
如此者不風古樂篇萬物散解文選張衡思元賦卉
旣凋而已育馬融長笛賦感迴颺而將頽膺隋陀陀
與陀通淮南繆稱
訓岸隋者必陀

貢話贊諭鞠詔戒誓赴辭謂說問論寧謝訓詁教班告也

易繫辭六爻之義易以貢書盤庚篇乃誥民之弗率
咸又篇序伊陟贊於巫咸詩四牡篇將母來詒左傳

閱二年昔辛伯諗周桓公詩采芑篇陳師鞠旅周禮
大卜以詔救政大僕詔濫儀儀禮大射儀小臣師詔
揖諸公卿大夫禮記曲禮篇出入有詔於國檀弓篇
不以詔左傳成二年災之詔也儀禮士冠禮主人戒
賓鄉飲酒禮主人戒賓大射儀司射西面誓之曰士
喪禮乃赴于君既夕記赴曰禮記檀弓篇赴于孔子
使人辭於狐突當事而至則辭焉表記篇遐不謂矣
國語吳語使人說於子胥國策秦策或以問孟嘗君
史記張儀傳臣請論其故漢書高祖紀嘗告歸之田
李斐注吉日告凶曰寧周勃傳使人稱謝揚雄傳訓
諸理莊子達生篇踵門而詫子扁慶子曰呂氏春
秋貴公篇願仲父之教寡人也仲夏紀班馬政

楚洵河雪彌厚于緬寬希左丘藐孤疏眇尙偏護胸長

僻閒縣殯條修去絕縣務遠也

易頤其欲逐逐陸德明釋文逐劉作楚詩擊鼓篇于
嗟洵兮河酌篇河酌彼行潦左傳桓五年經大雩哀
廿五年以肥之得備彌甥也禮記坊記篇以厚別也
公羊莊元年傳築于外非禮也漢書景十三王傳膠

西子王端穀梁莊三年傳舉下緬也國語周語以恭
給事則寬於死孟子其所以異於深山之野人者幾
希國策魏策衍將右韓而左魏史記天官書斥小疏
弱漢書嚴助傳藐然甚慙終軍轉孤於外官谷永傳
疏舉廣謀後漢書班彪傳妙古昔而論功李賢注妙
或作眇崔駰傳昔大庭尙矣東夷傳眇眇偏譯管子
宙合篇譏充言心也侈靡篇有時而胸呂氏春秋長
見篇以其長見與短見也慎行論而荆僻也辟與僻
同後漢書班彪傳且夫辟界西戎呂氏春秋大樂篇
人弗得不辟淮南俶真訓則醜美有間矣主術訓其
於以御兵刃縣矣墜形訓九州之外乃有八殫太元
元圖條暢乎四楚辭離騷篇又重之以修能夫惟靈
修之故也九歎怨思篇故退伏於末庭文選揚雄長
楊賦殊鄰絕黨之域陸士衡飲馬長城窟行去家邈
以縣謝靈運酬從弟
惠連詩務協華京想

胡遐也

儀禮士冠禮
永受胡福

墮覆弛挫沮殘詭疵藉敗變闕謠瘁毀也

左傳定十二年經叔孫州仇帥師墮郈周禮誓族氏掌覆天鳥之巢國語魯語文公欲弛孟子之宅國策秦策挫我於內史記秦本紀而子沮哭吾軍樊鄴膝灌傳凡二十七縣殘後漢書班彪傳不激詭莊子逍遙遊篇使物不疵厲而年穀熟讓王篇藉夫子者無禁呂氏春秋尊師篇能全天之所生而勿敗之至忠篇顏色不變孝行覽子弗敢闕楚辭離騷謠詠謂余以善淫文選陸機歎逝賦悼堂構之積瘁

敷肆儐展離布淫饌席夷維施論臚御原屯疏陳也

書舜典篇敷奏以言牧誓篇昏棄絕肆祀弗答詩楚茨篇或肆或將行葦篇或肆之筵時邁篇肆于時夏儀禮鄉飲酒禮東肆鄉射禮東肆燕禮南肆詩常棣篇賓爾籩豆左傳成十六年展車馬襄卅一年各展其物哀廿年敢展謝其不恭昭元年楚公子圍設服離衛三年寡君使虎布之周禮大師帥瞽而廋司兵廋五兵司裘大喪廋裘飾皮車司農注竝云故書廋爲淫儀禮士冠禮具饌于西塾禮記儒行篇儒有席

上之珍以待聘喪大記奉尸夷子堂國語魯語師尹維旅晉語爲大侈施素人殺冀芮而施之史記張儀傳臣請論其故漢書禮樂志徧臚歡并汨臚後漢書班彪傳御東序之秘寶莊子天道篇因任已明而原省次之楚辭離騷屯余車其千乘兮九歌湘夫人篇疏石蘭兮爲芳

臆適宰御奧當僕后幹尹官正將抵制長執斗胙主也

書大誥篇殷小腆詩伯兮篇誰適爲容周禮天官序官乃立天官冢宰禮記曲禮篇能御矣禮運篇故人以爲奧也學記篇鼓無當於五聲史記秦始皇紀僕射漢書百官公卿表棄作后稷幹官如淳注幹或作幹食貨志欲擅幹山海之貨師古注幹與管同劉向傳顯幹尙書師古注幹與管同是幹幹管三字同竝訓主矣漢書地理志庸管叔尹之衛蔡叔尹之管子宙合篇不官于物而旁通于道呂氏春秋君守篇可以爲天下正執一篇君必有將無義篇抵公孫與禁塞篇以告制兵者淮南說山訓鸚鵡能言而不可使長執獄宰者無病書帝命驗黃曰神斗法言重黎篇則天曷不胙

方務物仕赦役牧任紀曲官行類事也

易象傳后不易方繫辭傳故能成天下之務惟其時
物也詩烝民篇有物有則左傳宣十五年謂此物也
夫昭十一年物以無親哀元年不失舊物周禮大司
徒以鄉三物教萬民而賓興之儀禮鄉射禮記物長
如笱禮記月令篇兼用六物文王世子篇行一物而
三善皆得者內則篇方物出謀發慮大傳篇五者一
物紕繆祭義篇致物用以立民紀也哀公問篇物取
足以振之不過乎物儒行篇遽數之不能終其物大
學篇致知在格物孟子是絕物也此物奚宜至哉而
蔽於物儀不及物萬物皆備於我矣堯舜之知而不
徧物詩四月篇盡瘁以仕文王有聲篇武王豈不仕
小志篇自求辛螯陸德明釋文韓詩作辛赦左傳成
二年以役王命昭十三年爲此役也卅一年此二牧
者周禮大司馬以任邦國禮記文子世子篇喪紀以
服之輕重爲序禮器篇曲禮三千樂記篇樂之官也
天地官矣坊記篇民猶貴祿而賤行孟子此之謂不
知類也

條天頤猗莘斐肆肇挺諛翰悠隆祥久疏曼羸奇盈長也

書禹貢篇厥木惟條厥草惟夭詩碩人篇碩人其碩節南山篇有實其猗魚藻篇有莘其尾生民篇實種實褒崧高篇其風肆好江漢篇肇敏戎公殷武篇松栢有挺周禮典瑞璧羨以起度禮記曲禮篇雜曰翰音國語吳語今吾道路悠遠漢書王莽傳隆就孺子老子益生日祥呂氏春秋誣徒篇雖賢者亦不能久淮南汜論訓體大者節疏侯同曼聲之歌時則訓孟春始羸詮言訓聖人無屈奇之服文選張衡東京賦不縮不盈

翰融深臯加危右抗卓畢參僑穹閎堂眇鞠高也

易賁白馬翰如左傳昭五年明而未融儀禮覲禮深四尺禮記明堂位篇天子臯門內則篇不敢以貴富加於父兄宗族緇衣篇則民言不危行而行不危言矣史記孝文紀右賢左戚後漢書董卓傳卓又抗言

曰祭遵傳卓如日月家語困誓篇自望其廣則畢如也莊子大宗師篇元冥聞之參寥達生篇方虛憍而恃氣文選司馬相如長門賦鬱並起而穹崇揚雄甘泉賦閭闔闐其寥廓今張衡西京賦刊層平堂通天諺以竦峙南都賦鞠巍巍其隱天

光終暢橫中任滔充也

書堯典篇光被四表儀禮士冠禮廣終幅禮記月令篇命之曰暢月樂記篇號以立橫孔子閒居篇以橫于天下漢書李廣傳諸將多中首虜率司馬遷傳其實中其聲者謂之端實不中其聲者謂之款王莽傳其女皆爲任管子君臣篇心道進退而刑道滔起

乘賢任尙愈甚能羸害進王過騰勝也

書西伯戡黎序周人乘黎儀禮鄉射禮右賢于左左賢于右論語爲之猶賢乎已國語魯語不能任重論語好仁者無以尙之女與同也孰愈然則師愈與痛與愈同漢書汲黯傳無以痛人論語民之於仁也甚

於水火史記田敬仲完世家寡人弗能拔蘇秦傳贏則兼欺舅與母漢書蕭何傳以文毋害爲沛主吏掾陳遵傳數負進莊子德充符篇彼兀者也而王先生呂氏春秋適威篇以爲造父不過也逸周書文酌解四騰屬威衆

戕賊夷殘擊翦死讞屠天癘刑芟捐殪殺也

易小過從或戕之書舜典篇怙終賊刑寇賊姦宄泰誓篇賊虐諫輔左傳隱六年芟夷蕞崇之周禮大司馬放弑其君則殘之儀禮少牢饋食禮司士擊豕禮記玉藻篇凡有血氣之類弗身踐也鄭注踐當爲翦國語越語死生因天地之刑孟子凡民罔不讞後漢書光武帝紀進屠唐子鄉蔡邕傳天夭是加管子五行篇不癘離轂呂氏春秋音律篇陰將始刑淮南本經訓芟野蕞文選張衡東京賦捐魍魎殪野仲而殲光游

啓獲閔邁敏務强厲娛勸勞莫勉也

書盤庚篇不昏作勞鄭注昏讀爲勞洛誥篇汝乃是
不獲君夷篇子惟用閔于天越民左傳莊八年臯陶
遺種德禮記中庸篇人道敏政公羊定二年傳不務
乎公室也漢書匡衡傳而強其所不足彊與強同淮
南脩務訓功可彊成後漢書杜詩傳則將帥自厲馮
衍傳娛子反於彭城兮馬嚴傳令勸學省中呂氏春
秋孟夏紀勞農勸民淮南繆
稱訓其謝之也猶未之莫與

尙勉彊也

國語楚語子尙良食
論語喪事不敢不勉

儀義殃我也

詩角弓篇如食宜饁陸德明釋文宜韓詩作儀春秋
繁露仁義法篇義之爲言我也後漢書南蠻傳相呼
爲殃
徒

我中肉世眞室身也

易觀觀我生孟子萬物皆備於我矣禮記檀弓篇文
子其中退然如不勝衣國語楚語余左執鬼中爾雅
釋器肉倍好謂之璧國策秦策負勢必以魏歿世事
秦莊子山木篇見利而忘其真淮南做真訓是故虛
室生

白

錫釐讓賦酌予也

書堯典篇師錫帝曰詩既醉篇釐爾女士呂氏春秋
行論篇堯以天下讓舜分職篇出高庫之兵以賦民
漢書哀帝紀皆以賦貧民師古注賦給與
也與予字通淮南本經訓酌焉而不竭

遂軸宿膳登褒推勸乘俞遂褒贊翼抗達跂銳勉競引 進也

易大壯不能遂禮記月令篇遂賢良詩考槃篇碩人
之軸儀禮士冠禮乃宿賓公食大夫禮宰夫膳稻于
梁西禮記月令篇農乃登穀農乃登黍樂記篇故禮
有褒而樂有反儒行篇下弗推國策秦策則楚之應

之也必勸史記高帝紀淮陰侯復乘之漢書禮樂志
沸俞甚而無益五行志經曰良馬逐逐進也董仲舒
傳子大夫袞然爲舉首東方朔傳主迺贊董賢傳翼
姦以獲封侯後漢書班彪傳不抑抗范升傳又不能
達老子跂者不立挫其銳太元更初一赤并方銳呂
氏春秋季春紀勉諸侯分職篇而天下皆競文選顏
延年北使洛詩
臨塗未及引

賓誘帥先前延誅昭諭導也

書堯典篇寅賓出日詩野有死麕篇吉士誘之禮記
樂記篇知誘於外周禮九嬪大喪帥敘哭者亦如之
儀禮士昏禮祝帥婦以入聘禮請帥奠幣帥大夫以
入聘禮記訝帥之率與帥通春秋元命苞律之爲言
率也周禮大司馬右秉鉞以先儀禮士昏禮士乘其
車先禮記郊特牲篇天先乎地儀禮士虞禮祝前尸
特牲饋食禮尸諷祝前主入降禮記曲禮篇主人延
客祭國語晉語吾請爲子誅淮南繆稱訓目之精者
脩務訓此教訓之所諭也

煇韓華橫皇黃費光也

詩庭燎篇庭燎有輝常鍊鄂不韓韓淮南隆形訓末有十日其華照下地玉橫維其西北之隅風俗通義皇霸篇皇者光也黃者光也楚辭招魂篇晉制犀比費白日些

適假周結久胼固也

詩破斧篇四國是適文王篇假哉天命左傳哀十二年盟所以周信也國策秦策不足以結秦漢書禮樂志吾易久遠太元堅首陰形胼固

彙康熙徽姝過侯茂媿烈濯瑜文沃好那麗瑜猗俠都秀嫵懋偉曼婉妙餌約質實佳香純宜脂佚醴靡夸瑰餐美也

易泰拔茅茹以其彙征晉康侯用錫馬蕃庶書堯典篇庶績咸熙舜典篇有能奮庸熙帝之載慎徽五典

詩角弓篇君子有微猷思齊篇大姒嗣徽音靜女篇
靜女其姝考槃篇碩人之邁陸德明釋文邁韓詩作
邁羔裘篇洵直且侯還篇子之茂兮防有鵲巢篇誰
俯子美陸德明釋文美韓詩作媿賓之初筵篇烝衍
烈祖文王有聲篇王公伊濯左傳僖四年虢公之殽
禮記樂記篇以進爲文國語晉語雖獲沃田不可謂
好楚語使富都那豎贊焉國策衛策始君之所行於
世者食高麗也中山策佳麗人之所出也史記淮陰
侯傳褕衣甘食漢書武帝紀猗與偉與禮樂志俠嘉
夜司馬相如傳雍容閒雅甚都賈誼傳聞其秀材外
威傳美連娟以脩嫫兮後漢書章帝紀烏呼懋哉張
衡傳偉關雎之戚女杜篤傳曼麗之容邊讓傳展中
情之嫵婉班彪傳妙古昔而論功老子樂與餌呂氏
春秋本味篇旋象之約淮南時則訓莫不質良精神
訓有天下無天下一實也說林訓佳人不同體呂氏
春秋仲冬紀水泉必香士容篇純乎其若鍾山之玉
太元符初一好是宜德童次二出泥入脂楚辭離騷
見有娥之佚女文選左思魏都賦宅心醇粹吳都賦
其鄰則有任俠之靡傳毅舞賦夸容乃理
瑰姿譎起王儉褚淵碑文餐東野之秘寶

中雍誠溫懷穆平愷睦汁比淖儒講康緩集適撓柔埏
聯合善同襲謳交淳愔和也

易蒙以亨行時中也書堯典篇黎民於變時雍大禹
謨至誠感神詩燕燕篇終溫且惠皇皇者華篇每懷
靡及板篇懷德惟寧烝民篇穆如清風左傳僖十二
年齊侯使管夷吾平戎於王又十八年謂之八愷昭
七年衛事晉爲睦周禮鄉士汁日刑殺箠人六日巫
比儀禮士虞禮嘉薦普淖少牢饋食禮同禮記儒行
釋文儒和也國策西周策而秦末與魏講也齊策趙
令樓緩以五城求講於齊媾與講通史記項羽紀業
已講解穉里子甘茂傳與魏講罷兵蘇林鄒氏注講
竝作媾矣樂書而民康樂嘽緩慢易衛康叔世家爲
武庚未集漢書王吉傳專意積精以適神匈奴傳以
徑路刀金留犁撓酒後漢書明帝紀懷柔百神老子
埏埴以爲器莊子天下篇以聯合驩以調海內荀子
非十二子篇合羣者也呂氏春秋貴公篇夷吾善鮑
叔牙君守篇離世別羣而無不同淮南天文訓而天
地襲矣汜論訓清之則燠而不謳法言吾子篇或問

交五聲十二律也素問五常政大論化淳則
鹹守文選宋玉神女賦澹清靜其情嫵兮

身曾陪復薦尋亦反垓原絜層多奕覆載培甚駢苛重也

詩大明篇大任有身維天之命篇曾孫篤之爾雅釋
親孫之子爲曾孫左傳僖十二年陪臣執國命左傳桓十七
年復惡已甚矣僖卅三年復與之冀定四年無復怒
詩雲漢篇饑饉僅薦臻節南山篇天方薦瘥荐與薦迪
左傳昭十八年荐爲敝邑不利哀十五年荐伐吳國
洊與荐義亦通易象傳消雷震左傳哀十二年若可
尋也論語不亦說乎必使反之史記孝武紀泰一壇
壇三垓垓與垓通漢書禮樂志專精厲意逝九閭如
淳注閭亦陟也陟重也志又云以沛宮爲原廟中山
靖王勝傳臣聞悲者不可爲絜歆司馬相如傳全入
會宮之嵯峨我層與會同何武傳世以此多焉後漢書
楊秉傳臣奕世受恩班彪傳覆以懿鏐鄭元傳承家
載世莊子逍遙遊篇而後乃今培風淮南脩務訓聖

人之憂勞百姓甚矣春秋元命苞顓頊駢幹素問六元正紀大論苛疾不起

鮮洗食填沒斯殫歇翦輸逞備焦實竭極朔醺窮靡詘
勝究淳屈訖闕詳覆匱摧舉減幾眇兼測刻掘亶敝掩
留終爵勦絕闌傾盡也

易繫辭傳故君子之道鮮矣聖人以此洗心書湯誓
篇朕不食言詩小宛篇哀我填寡漸漸之石篇曷其
沒矣儀禮聘禮沒其竟論語沒階趨詩皇矣篇王赫
斯怒板篇無獨斯畏禮記檀弓篇我喪也斯沾左傳
宣六年將可殫也宣十二年憂未歇也襄廿九年難
未歇也成二年余姑翦滅此而後朝食襄八年翦焉
傾覆九年輸積聚以貸廿五年不可億逞儀禮特牲
饋食禮主人備答拜焉尸備答拜焉禮記檀弓篇士
備入月令篇農事備收曲禮篇庶人雉禮運篇此
順之實也大傳篇人道竭矣表記篇祭極敬大學篇
是故君子無所不用其極爾雅釋訓朔北方也釋水
水醺曰晷論語四海困窮國策秦策而百姓靡於外

史記司馬相如傳微既受詔不可勝數也蘇技漢書
宣帝紀宣究其意者各二人食貨志原陵淳鹵之地
五行志而百姓屈竭地理志聲教訖于四海張良傳
歌數閔董仲舒傳故詳延特起之士鄒陽傳上覆飛
鳥杜欽傳置萬姓之力敘傳班輸推巧於斧斤管子
牧民篇地辟舉則民留處宙合篇滅盡也莊子齊物
論篇適得而幾矣荀子王制篇仁眇天下義眇天下
解蔽篇聖人縱其欲兼其情而制焉者寡矣呂氏春
秋下賢篇昏乎其深而不測也達鬱篇人主賢則人
臣之言刻太元元文掘變極元瑩君子所以賣表也
淮南原道訓齒堅於舌而先之敝弊與敝通文選枚
乘上書吳王弊無窮之極樂漢書枚乘傳作敝無窮
之樂淮南主術訓曉不掩羣逸周書大匡解哭不留
日素問診要經終論願聞十二經脉之終白虎通義
爵篇爵者盡也盡其才也文選張衡東京賦今公子
苟好勦民以媮樂鮑昭還都道中詩絕日盡平原謝
靈運永初三年之郡初發都詩述職期
闕暑孫楚征西官屬詩傾城遠追送

庶參豐也

書洪範篇庶草蕃庶文選潘岳射雉賦麥雄豔之姱姿

同敦邁躋孝屬致連卒州壹最輯府總東雍帥鬱并斂
搏滄蟠兌結酋撮族粹蕞閭聚也

詩吉日篇獸之所同行葦篇敦彼行葦長發篇百祿
是道左傳成二年昭廿年引詩竝同成十六年躋甲
而射之襄四年戎狄荐居周禮州長各屬其州之民
而讀灋遂大夫屬其地治者大司馬屬其植禮記王
制篇五國以爲屬孟子乃屬其耆老而告之周禮大
司馬及致建大常小司寇以致萬民而詢焉禮記王
制篇十國以爲連三十國以爲卒二百一十國以爲
州國語齊語今夫士羣萃而州處禮記玉藻篇壹食
之人一人微公羊隱元年傳會猶最也國語周語和
協輯睦國策秦策此謂天府史記禮書功名之總也
漢書食貨志束於帛揚雄傳雍神休帥尔陰閉玃桂
椒而鬱移楊後漢書張衡傳魚矜鱗而并凌兮王充
王符仲長統傳論斂威峻罰管子霸言篇不搏不聽
莊子大宗師篇滄乎進我色也應帝王篇鯨桓之審

為淵陸德明釋文司馬注審作蟠荀子議兵篇兌則
若莫邪之利鋒淮南汎論訓不結於一迹之塗太元
元圖陰酋西北家語始誅篇其居處足以撮徒成黨
書大傳族以為入文選宋玉高唐賦崑中怒而特高
兮踣與崑通揚雄長楊賦帥軍踣陟潘岳西征賦蕞
而於城隅者百不處一嵇康養生論或益之以畎澮
而泄之以尾閭

簪惕望暴啗稷駿撻駛票鋌剽校奔倕拔迨僂患痛徑
駙劇弁欬瀟馘狂狷訾決壯飄惡利畢接驚齋徽吠捫
鵠逸疹漂霍洞疾也

易豫朋盍簪象傳有孚惕若書舜典篇朕即讒說珍
行詩終風篇終風且暴北風篇北風其啗楚茨篇既
齊既稷噫嘻篇駿發爾私殷武篇撻彼殷武晨風篇
毛傳賢人往之駛疾說文口部引詩曰匪車嚶兮嚶
與嚶同左傳文十七年鋌而走險周禮考工記弓人
則其為獸必剽盧人細則校弓人釋之則不校今夫

菱解中有菱焉故校忿執以奔說文人部引周禮曰
句兵欲無憚禮記少儀篇毋投矢大傳篇遂奔走公
羊莊廿四年傳夫人不侮不可使入國語晉語公患
之楚語使神無有怨痛於楚國史記大宛傳從蜀宜
徑漢書百官公卿表駙馬都尉揚雄傳口吃不能劇
談王莽傳予甚弁焉後漢書張衡傳數神化而蟬蛻
今迅颺滿其騰我今鹹汨騰戾弄狂電之淫裔陰興
傳性亦狷急管子入國篇歲凶庸人訾厲莊子逍遙
遊篇我決起而飛揜榆枋徐無鬼篇百工有器械之
巧則壯呂氏春秋觀表篇聖人則不可以飄矣貴直
篇而不肖主之所惡也淮南隆形訓輕土多利覽冥
訓體便輕畢本經訓接經歷遠主術訓魚得水而驚
驚與驚同文選潘岳射雉賦咸乘危以馳驚楚辭離
騷反信讒而齎怒文選揚雄羽獵賦徽車輕武甘泉
賦竊呖胎以提批兮潘岳射雉賦攬降邱以馳敵木
華海賦鵠如驚鴻之失侶傅毅舞賦良駿逸足張衡
思元賦思百憂以自疹王褒洞簫賦迅漂巧兮
枚乘七發霍然病已陸機演連珠震風洞發

簪忽數逝疾早促遽旋超崔捷敏先速也

易豫朋盍簪左傳莊十一年其亡也忽焉禮記祭義篇其行也趨趨以數論語事君數日月逝矣國語周語高位實疾債深耕而疾耰之國策齊策早救之漢書高帝紀令趨銷印師古注趨讀曰促郊祀志上往常遽董仲舒傳此皆可使還至而立有效者也師古注還讀曰旋揚雄傳超既離乎皇波莊子大宗師篇崔平其不得已乎徐無鬼篇搏捷矢荀子性惡篇齊給便敏而無類呂氏春秋辨土篇其生也必先荒妄空誕耗無恤夸谿飾廓枯冲僞區虛也

易秦包荒詩桑柔篇具贅卒荒禮記儒行篇今衆人之命儒也妄論語回也其庶乎屢空國語楚語是言誕也漢書董仲舒傳耗矣哀哉管子心術篇至不至無小稱篇滿者恤之呂氏春秋本生篇非夸以名也適音篇以危聽清則耳谿極知度篇情者不飾淮南精神訓處大廓之宇太元差上九過其枯城少次五地自冲元攤必著乎僞回行九區

榮頌瑟聚徒興羣昆煩阜疹叢猥屯大族卒黨博汜譔

類赫餘僉稠眾也

詩羔裘篇三英粲兮魚藻篇有頌其首旱麓篇瑟彼
柞械左傳成十三年我是以有輔氏之聚公羊昭入
年傳簡車徒也周禮夏官序官與司馬左傳僖廿八
年聽與人之謀成二年無令與師淹於君地禮記祭
法篇王爲羣姓立社大戴禮夏小正篇昆小蟲抵蜚
少閒篇列五王之德煩煩如繁諸乎國語晉語考訊
其阜漢書司馬相如傳疹以陸離酷吏傳贊罔密事
叢後漢書馮異傳虜兵猥下班彪傳屯朋黨論之士
管子法法篇故仁者知者有道者不與大慮始莊子
養生主篇族庖月更刀折也秋水篇人卒九州繕性
篇物之儻來奇也崔注儻作黨荀子議兵篇和傳而
一楊倞注傳或爲博淮南本經訓普汜無私脩務訓
莫囂大心要略篇浸想宵類太元爭次二赫河隴逸
周書羅匡解餘子務藝楚辭天問篇僉荅何憂文選
束皙補亡詩
黍發稠華

蕃殷阜且重厚隆加崇勝侈廣益遠積猥稠華餘長過

煩牢綽綽多也

易晉錫馬蕃庶書禹貢篇九江孔殷詩類弁篇爾殷
既阜韓奕篇簋豆有且左傳成二年重器備考工記
弓人是故厚其液而節其帑禮記祭義篇頒禽隆諸
長者少儀篇其禽加於一雙爾雅釋官八達謂之崇
期論語質勝文則野文勝質則史不使勝食氣國語
楚語不陳庶侈國策西周策地廣而益重齊策可以
益割於楚弗如遠甚漢書食貨志孰積於此溝洫志
以爲水猥盛則放溢灌夫傳稠人廣眾莊子徐無鬼
篇禍之長也滋莘呂氏春秋辨土篇亦無使有餘觀
世篇而亂世之所以長也務本篇主雖過與淮南俶
真訓是故其德煩而不能一時則訓毋或侵牟楚辭
大招篇滂心綽態文選左思魏都賦繁富夥綽何晏
景福殿賦厥庸孔多李善注多當爲趨廣雅趨多也
案今本廣雅無此語何賦上與崖協宜用多韻作趨
而隸書趨每作趨故
文選注訛作趨耳

簡敦毛采倫蒐論導卜涓練擇也

詩簡兮篇簡兮簡兮思齊篇古之人無數周禮小宗伯毛六牲儀禮士昏禮納采用鴈少牢饋食禮雍人倫傳九國語周語蒐於農隙齊語論比協材漢書張湯傳弟繁導官導與導同史記司馬相如傳導一莖六穗於庖呂氏春秋舉難篇卜相曰文選左思魏都賦涓吉日謝莊月賦於是絲桐練響

疊聳憚悼報憂悸懔懼也

詩時邁篇莫不震疊左傳昭六年聳之以行十九年駟氏聳國語周語憚其穢也魯語小罪憚之晉語隱悼播越楚語不則報呂氏春秋知分篇余何憂於龍焉楚辭九思悼亂篇惶悸兮失氣文選左思魏都賦懔焉相顧懔與懔同

祇疾眚刻瘳軸鋪肝腓悼遐假瘠瘕瘕殄瘵萎訾店瘠厲憂羸傷殃罷窳瘡皆隱廢苦毒漬苛極葦虛蔚枯殫苑勞侮篤病也

易復无祇悔詩何人斯篇俾我祇也易彖傳出入無
疾論語君子疾沒世而名不稱焉古者民有三疾易
說卦爲多眚書微子篇我舊云刻子畢命篇彰善癉
惡詩板篇下民卒瘁考槃篇碩人之軸雨無正篇淪
胥以鋪詩何人斯篇云何其肝都人士篇云何肝矣
四月篇百卉具腓苑柳篇上帝甚蹈鄭箋蹈讀爲悼
文王篇無遏爾躬思齊篇烈假不瑕桑柔篇多我覯
瘠雲漢篇胡寧瘳我以旱說文疒部引詩曰譬彼痲
木周禮稻人夏以水殄草而芟夷之左傳昭十九年
許悼公瘞禮記檀弓篇哲人其萎亦非禮之訾也會
子問篇不以人之親戚患公羊莊廿年傳大災者何
大瘠也論語未信則以爲厲已也孟子不爲厲陶治
有采薪之憂國語魯語民羸幾卒楚語恤民之羸晉
語枯且有傷今以梗陽之賄殃之齊語罷女無家史
記五帝紀皆不苦窳貨殖傳以故苦窳平原君虞卿
傳臣不幸有疲癯之病漢書敘傳閭尹之此蕭該音
義今漢書本或誤作疵字或作些字後漢書張衡傳
勤恤人隱莊子讓王篇左手攬之則右手廢右手攬
之則左手廢達生篇以爲有苦而欲死也列子湯問
篇仙聖壽之呂氏春秋貴公篇仲父之病矣漬甚高

誘注按公羊傳曰大嘗者何大漬也審時篇身無苛
殃適音篇以危聵清則耳谿極遇合篇賢聖之後反
而華民園道篇入虛甚久則身斃淮南假真訓五藏
無蔚氣原道訓終身運枯形于連嶼列埒之門覽冥
訓殫盡大半本經訓百節莫苑精神訓故曰嗜欲者
使人之氣越而好憎者使入之心勞說林篇故侮人
之鬼者過社而搖其枝
楚辭大招篇察篤天隱

惕吁鼠離里悵閔病隱患累騷負悶勤勞血坎虞蠶罔
醜憂也

易小畜血去惕出詩卷耳篇云何吁矣雨無正篇鼠
思泣血四月篇亂離瘼矣雲漢篇云如何里說文心
部引詩曰憂心如悵左傳宣十二年少遭閔凶穀梁
僖三年傳閔雨也禮記樂記篇病不得其眾雜記篇
君子病之國語晉語隱悼播越國策西周策何患焉
秦策此國累也史記屈原賈生傳故憂愁幽思而作
離騷後漢書章帝紀不以爲負和帝紀督察不以發
覺爲負家語弟子行篇處賤不悶呂氏春秋古樂篇

禹立勤勞天下淮南精神訓竭力而勞萬民太元從
次四有女承其血匡亡內次三坎我西階元瑩古者
不遷不虞楚辭天問篇卒然離蠶王逸注蠶一作孽
一作孽是蠶孽孽竝同矣文選宋玉神女賦罔兮不
樂王褒洞簫賦
憤伊鬱而酷砒

豪肆僚苦搔勞也

書序豪飫詩谷風篇既詒我肆左傳昭七年隸臣
僚國策秦策不苦一民淮南汜論訓厭文搔法

力覲苦肆勤也

詩烝民篇威儀是力周禮大司寇上功糾力大宗伯
秋見口覲國策齊策無勞倦之苦文選張衡東京賦
厥庸
孔肆

慕感思也

孟子人少則慕父母巨室之所慕後漢
書劉趙淳于江劉周趙傳贊周能感親

戀服論詩宿隱嘗幽遲思也

易小畜有孚學如子夏傳學作戀詩關雎篇寤寐思服靈臺篇於論鼓鍾成伯瑜毛詩指說引梁簡文說詩者思也左傳昭廿七年官宿其業禮記少儀篇隱情以虞不嘗重器毋嘗衣服成器太元遇初一幽遇神文選曹植責躬詩遲奉聖顏謝靈運南樓中望所遲客詩臨江遲來客

德慶祚祥釐祺祐福也

禮記哀公問篇百姓之德也國語周語有慶未嘗不怡永錫祚允天地所祚襲于休祥漢書文帝紀今吾聞祠官祝釐禮樂志惟春之祺楚辭天問篇驚女采薇鹿何祐

享祭也

易隨享于西山升王用享于西山象傳先王以享于帝左傳僖卅一年相奪子享禮記祭義死則敬享

拾雅卷第一終

拔刊

拾雅卷第二

高郵夏味堂述

拾雅釋二

釋詁下

嚴忌莊儻栗矜修聳說竦憚式敬也

詩殷武篇下民有嚴左傳昭元年非罴何忌禮記曲禮篇非禮不誠不莊禮運篇所以儻鬼神也穀梁莊廿四年傳栗栗鍛脩孟子皆有所矜式國語魯語吾冀而朝夕修我楚語能聳其德國策秦策敝邑之王所說甚者齊策孟嘗君有舍人而弗說漢書禮樂志聽者無不虛己竦神東方朔傳昔伯姬燔而諸侯憚後漢書明帝紀過式其墓

先昧早也

禮記月令篇收雷先行
左傳昭三年昧旦丕顯

遲聽值守轍御蓄恃胥遇需期執留儲待也

易歸妹遲歸有時儀禮特牲饋食禮遲聽嘏禮記雜
記篇不聽索焉史記高帝紀黎明圍宛城三匝索隱
黎漢書作遲音值值待也樂書合守拊鼓漢書禮樂
志靈禋禋象與轍揚雄傳御賓客後漢書張衡傳孰
謂時之可蓄老子萬物恃之而生管子大匡篇將胥
有所定也姑少胥其自及也任法篇莫敢高言孟行
以過其情以遇其主矣莊子大宗師篇聶許聞之需
役寓言篇年先矣而無經緯本末以期年耆者是非
先也荀子堯問篇貌執之士者百有餘人楚辭九歌
湘君篇蹇誰留兮中洲文選張衡東京賦儲乎廣庭

汔險傾害機圾困栗危也

詩民勞篇汔可小康國語晉語必內險之大命其傾
國策秦策策而無伐楚之害大戴禮本命篇機其文之
變也莊子天地篇殆哉圾乎天下呂氏春秋
靖欲篇身以困窮太元應次五貞栗其鱗

初前固舊雅直故也

儀禮觀禮伯父帥乃初事禮記檀弓篇夫魯有初我
未之前聞也儀禮士昏禮記敢固以請士相見禮固
請吾子之就家也燕禮寡君固曰不腆禮記少儀篇
某固願聞名於將命者哀公問篇固民是盡論語固
天縱之將聖公羊莊廿九年傳修舊也史記高帝本
紀雅不欲屬沛公張耳陳餘傳張耳雅游留侯世家
直墮其履圯下

卽此今也

爾雅釋詁卽尼也老子吾
何以知衆甫之狀哉以此

農敦媾毗臚醕醕俶崇單庀煥窀睦專豐阜瘠忠封肥
荅溫多猥弋撫粵隆重甚淳黃湛惇厚也

書洪範篇農用八政詩北門篇王事敦我侯人篇不
遂其媾節南山篇天子是毗則無臚仕彤弓篇一朝

拾雅

卷二

二

醕之行韋篇酒醕維醕既醉篇令終有似烈文篇維
王其崇之昊天有成命篇單厥心長發篇爲下國駿
厖左傳昭三年而或煥休之襄十三年惟是春秋奄
岁之事定四年於周爲睦禮記坊記篇睦於父母之
黨儀禮士虞禮記用專膚爲折俎國語周語艾人必
豐晉語今晉侯不量齊德之豐否周語其所以阜財
周衣食者也不義則利不阜陽輝憤盈忠非親禮晉
語今君起百姓以自封也楚語是勤民以自封也國
策秦策而肥仁義之誠史記貨殖傳榻布後漢書作
荅布顏師古注荅者厚之兒也漢書成帝紀溫故知
新趙廣漢傳至府爲我多謝問趙君王莽傳今猥被
以大罪後漢書王符傳昔孝文皇帝躬衣弋絺梁統
傳撫我畜我管子五行篇然則天爲粵宛荀子儒效
篇有師法則隆積矣呂氏春秋盡數篇無以烈味重
酒觀表篇吾子也甚歡淮南齊俗訓澆天下之淳風
俗通義皇霸篇引書大傳黃者厚也楚辭九章悲回
風篇吸湛露之浮涼九歎
愍命篇親中正之惻誠兮

訛躒詳屈矯邪僞也

詩河水篇民之訛言正月篇民之訛言左傳哀廿四年是躧言也史記吳太伯世家公子光詳爲足疾老子大直若屈管子君臣篇是以上及下之事謂之矯文選張衡西京賦邪贏優而足特

問道讞稱謂說聲儀兌告言也

易象傳勿問之矣周禮訓方氏掌道四方之政事擇人道國之政事禮記大學篇道學也道得衆則得國經解篇則道仁聖禮義之序文王世子篇獄成有司讞於公射義篇旄期稱道不亂者國策秦策此乃公孫衍之所謂也王不聞夫管與之說乎大戴禮子張問入官篇發乎聲逸周書寶典解是謂四儀老子塞其兌荀子禮論篇與藏而馬反告不用也

遭邀適遇也

國語鄭語未既亂而遭之莊子徐無鬼篇吾與之邀樂於天邀食於地文選班彪王命論以爲適遭暴亂變贊發斥兆效摧著知接萌呈見也

易繫辭傳變動不居說卦傳幽贊于神明而生蓍左傳昭元年發爲五色襄卅一年寇盜充斥國語晉語其魄兆於民矣史記天官書其時宜效律書雖妙必效情漢書敘傳揚推古今後漢書竇融傳皆近事暴著呂氏春秋自先知篇知於顏色知接篇目無由接也淮南記論訓風先萌焉文選曹植洛神賦皓質呈露臨觀頻謁目面過觀察朝睽見也

易繫辭傳如臨父母詩伐柯篇我觀之子車牽篇鮮我觀爾裳裳者華篇我觀之子公劉篇乃觀于京抑篇莫予云觀左傳昭三年享頻有璋四年入弗謁公羊桓二年傳此其目言之儀禮聘禮賓面如覲幣國策秦策臣不得復過矣漢書敘傳朝貞觀而夕化兮呂氏春秋離俗篇人之所不能察注辭篇孔穿朝太元劇次三鬼睽其室

眷節顧佔行職矚胥候案察廉觀視也

書大禹謨皇天眷命詩節南山序正月篇屢顧爾僕禮記學記篇呻其佔畢樂記篇使之行商容而復其

位後漢書班彪傳職北阜馬融傳目矚鼎俎管子樞
言篇進退勞佚與人相胥呂氏春秋貴因篇武王使
人候殷淮南時則訓案程度楚辭離騷覽察草木其
猶未得兮文選張衡西京賦察貳廉空謝靈運述祖
德詩貞觀
邛壑美

充盈也

淮南兵略訓此
善爲充盈者也

中隙閒也

禮記儒行篇儒有衣冠中國語周語
蒐於農隙二閒夾鍾出四隙之細也

枚末卑衰晦眇閒廝薄介精少微也

詩東山篇勿士行枚禮記檀弓篇末之卜也國語周
語王室其將卑乎書咸有一德篇終始惟一傳終始
不衰殺左傳成十四年志而晦漢書昭帝紀朕以眇
身獲保宗廟史記越世家請閒行言之漢書嚴助傳

斯與之卒後漢書趙咨傳薄意內昭列子楊朱篇無介然之慮者莊子秋水篇夫精小之微也呂氏春秋大樂篇道也者至精也大元元衝少微也

室憤枕須息濟極厭已集弭懲沮舍坻弊閱疑輟綴畢
霽救晝校綏留寢絳蟠解防足塞格閑頓薄戶逗存稽
忱距振退偃居絕却諫休滯抑加樽圍質挫萃鎮凝結
里止也

易訟有孚室惕中室象傳損君子以懲忿室欲陸德明釋文室鄭劉作憤坎險且枕書五子之歌序須于洛汭詩殷其雷篇莫敢違息葛生篇誰與獨息好游篇于我歸息民勞篇汜可小息載馳篇不能旋濟南山篇易又極止還序從禽獸而無厭風雨篇雞鳴不已鵠羽篇集于苞栩沔水篇不可弭忘左傳襄廿五年兵其少弭矣詩沔水篇寧莫之懲節南山篇慆慆慆嗟十月之交篇胡慆莫懲小旻篇何日斯沮巧言

篇亂庶遄沮左傳宣十七年左或沮之阻與沮同
閔二年狂夫阻之僖十五年晉大夫反首拔舍從之
公羊桓十六年傳屬負茲舍不即罪莊十二年傳莊
公歸散舍諸宮中周禮司戈盾及舍禮記月令耕者
少舍孟子舍皆取諸其宮中而用之居處之舍爲止
故廢置之舍亦爲止左傳昭九年舍藥物可也論語
舍之則藏史記李斯傳則舍爲天下役荀子哀公篇
舍此而爲非者舍皆訓止矣左傳昭九年物乃坻伏
周禮大司馬火弊車弊羅弊徒乃弊山虞及弊田儀
禮大射儀樂闕禮記郊特牲篇卒爵而樂闕儀禮鄉
射禮賓升西階上疑立禮記曲禮篇輟朝而顧穀梁
文七年傳輟戰而奔秦論語糧而不輟禮記樂記篇
禮者所以綴淫也爾雅釋天濁謂之畢濟謂之霽論
語女弗能救與孝經匡救其惡論語今女畫國語周
語其有悛乎齊語以勸綏謗言國策秦策令之留於
酸棗大戴禮曾子制言上篇無席則寢其趾史記齊
太公世家車絰於木而止漢書天文志奢爲扶鄭氏
注云扶當爲蟠五行志解舍也不防川不賣澤足者
止也刑法志是以罔密而姦不塞梁孝王武傳太后
議格中山靖王勝傳雍闕不得聞李廣傳就善水草

頓舍鄒陽傳甯戚飯牛車下應劭注引甯戚歌從昏
飯牛薄夜半王嘉傳坐戶殿門失闕免師古注引左
傳屈蕩戶之後漢書張衡傳逗華陰之湍渚崔駰傳
遠求存而良馬繫杜篤傳莫不袒跣稽顙管子心術
篇是以君子不怵乎奸小問篇來者驚距莊子齊物
論篇振于無竟呂氏春秋仲夏紀退嗜欲盪兵篇而
無有偃兵慎人篇手足胼胝不居權黥篇嗜酒甘而
不能絕於口以醉用民篇遽擊金而却之恃君篇內
之則諫其君之過也觀表篇未嘗休也淮南原道訓
是故能天運地滯本經訓抑減怒瀨以揚激波主術
訓雖愚者不加體焉要略篇得流通之觀太元彊次
二終莫之圜家語曲禮子夏問篇君人不舉人以質
事春秋考異郵清明者精芒拙收也楚辭天問篇北
至回水萃何喜九章抽思篇覽名尤以自鎮九歎憂
苦篇折銳摧矜凝汜濫兮文選張衡東京賦結徒營
風俗通里者止也抑覽五百

數僕苦厭也

詩葛覃篇服之無斁思齊篇古之人無斁振鷺篇在
此無斁駉篇思無斁禮記大傳無斁于人斯釋與斁

通詩泮水篇徒御無繹禮記玉藻篇若祭爲己僕卑漢書韓信傳亭長妻苦之

事統列貳基業也

史記淮陰侯傳無所事信後漢書班彪傳系唐統管子法禁篇家富于其列太元夷初一載幽貳執夷內元瑩物失其基

伐公烈驗效功也

書大禹謨篇汝惟不伐論語克伐怨欲詩六月篇以奏膚公國語晉語君驕泰而有烈呂氏春秋知度篇無職者責其質以驗其辭法言先知篇爲國不迪其法而望其效

作凝眇造阜慎翼克觀足獎襄會徵著升敏果熟終合輯遂講出爲辦挈務定便助育滿并懋芳譽蹶成也

易象傳明兩作離君子以正位凝命書皋陶謨庶績其凝禮記樂記凝是精粗之體易說卦傳眇萬物而

爲言者也書君奭篇考造德不降詩閔予小子篇遭
 家不造禮記王制篇不征于司徒曰造士詩大田篇
 旣方旣皂柔柔篇考慎其相左傳文三年以燕翼子
 宣八年經日中而克葬成六年其惡易觀襄廿五年
 言以足志文以足言定四年以獎天衷十五年不克
 襄事周禮食醫凡會膳食之宜儀禮士昏禮納徵禮
 記禮運篇是故之杞而不足徵也論語杞不足徵也
 禮記郊特牲篇由主人之絜著此水也樂記篇以著
 萬物之理男女無辨則亂升穀梁襄廿四年傳五穀
 不升爲大饑爾雅釋樂商謂之敏論語行必果孟子
 苟爲不熟孰與熟同漢書五行志季氏之惡已孰後
 漢書楊賜傳今復投蜺可謂孰矣國語周語純明則
 終魯語詩所以合意其輯之亂晉語吾必遂矣置而
 不遂國策秦策寡人欲割河東而講史記趙世家而
 功有所出漢書天文志西北戎菽爲後漢書耿弇傳
 聖公不能辦也莊子大宗師篇稀韋氏得之以挈天
 地呂氏春秋大樂篇樂乃可務仲冬紀以待陰陽之
 所定忠廉篇夫殺妻子焚之而揚其灰以便事也應
 同篇而不助農於下察賢篇財萬物育矣審時篇多
 糗而不滿淮南墜形訓正西弇州曰并土主術訓其

民樸重端慤太元元數並餘於芳風俗通義皇霸篇
引書六傳譽者成也文選陳琳爲袁紹檄豫州獎賊
威柄

肆覺正挺端縮廉忠亭畫徑方廷絞特指質婁直也

易繫辭傳其辭肆而隱詩斯干篇有覺其楹抑篇有
覺德行左傳昭五年同襄廿一年夫子覺者也考工
記韞人上三正弓人於挺臂中有桴焉禮記玉藻篇
端行頤審如矢投壺篇一則爲奇鄭注奇則縮諸純
國語晉語殺君以爲廉孝經進思盡忠史記五帝紀
呂征不享索隱享或作亭曹相國世家顓若畫一大
宛傳從蜀宜徑後漢書鮑永傳居方以從義郭太傳
母欲使給事縣廷李雲傳曷其絞許摩上荀子勸學
篇安特將學雜識志順詩書而已耳呂氏春秋忠廉
篇特王子慶忌爲之賜而不殺耳必己篇髮植目裂
鬢指知度篇賢不肖各反其質文選王僧達祭顏光
祿文性婁剛潔李善注引楚辭日體婁直以亡身兮

拭慮靜也

禮記雜記篇雍人拭羊漢書
外戚傳爲人婉應有節操

視枕隤保靜懷燕遂密那億據宿艾擾委醕處晏固臯

鳩樂恬宜妥攝恤載謀魁濡弭逸俞居匡便錯安也

易坎祗既平陸德明釋文祗京作祗
枕繫辭傳隤然示人簡矣書允征篇明
篇時則有若保衡詩山有樞篇他人是
保定爾南山有臺篇保艾爾後楚茨篇
武篇王舒保作閤宮篇保彼東方周禮
以佐王建保邦國儀禮士冠禮禾乃保
篇非歌孰能保此中庸篇子孫保之保
其身左傳倍十九年保小寡詩柏舟篇
風篇願言則懷雄雉篇我之懷矣論語
人懷土君子懷刑小人懷惠新臺篇燕
篇以燕樂嘉賓之心蓼蕭篇孔燕豈弟
以燕翼子韓奕篇燕師所完雖篇燕及
記篇宋音燕女溺志詩雨無正篇饑成
止旅乃密黑藻篇有那其居左傳隱十
一年不能共

億昭三十年我盡姑億吾鬼神倍五年神必據我昭
廿九年官宿其業哀十六年是得艾也周禮地官以
佐王安擾邦國儀禮土冠禮記委貌士昏禮酌醕主
人士虞禮酌酒醕尸禮記檀弓篇何以處我月令篇
以定晏陰之所成國語周語久固則純魯語晉始伯
而欲固諸侯晉語政平民阜可以鑑而鳩趙宗平史
記樂書而民康樂漢書禮樂志恬而不怪地理志伯
益能儀百物師古江儀與宜同燕刺王旦傳北州以
安嚴助傳天下聶然韋元成傳恤我九列老子或載
或聚莊子人間世篇大多政法而不謀庚桑楚篇猶
之魁然徐無鬼篇有濡需者逸周書作雒解內弭父
兄周禮男巫春招弭以除疾病鄭注弭讀爲救安也
今案弭自訓安不煩破讀矣呂氏春秋重己篇足以
逸身煖骸而已矣知分篇俞然而以待耳上農篇無
有居心淮南主術訓匡牀弱席楚辭大招
篇恣所便只九章懷沙篇各有所錯兮

脫瀆輕狎徑說易也

左傳僖卅二年無禮則脫昭十三年其可瀆乎廿六
年賁瀆鬼神漢書賈誼傳雖有長爵不輕得復家語

正論篇民狎而翫之荀子性惡篇少言則徑而省淮南要略篇以爲其禮煩擾而不說

昭廢弛也

詩彤弓篇彤弓昭兮禮記學記篇教之所由廢也

遷轅亦易也

左傳昭五年未改禮而又遷之禮記人傳篇有百世不遷之宗國語晉語作轅田素問氣絕論謂之食亦

祈卜胙復鄰艾反答下報也

詩行葦篇以祈黃耆詩大田篇秉畀炎火陸德明釋文秉韓詩作卜左傳隱八年胙之土而命之氏昭六年復書曰公羊隱三年傳與夷復曰周禮大司寇凡遠近惇獨老幼之欲有復于上儀禮聘禮復見之以其挈論語必有鄰國語周語艾人必豐晉語必有艾反使者漢書五行志適不答食貨志曩禁鑄錢死罪

積

忒怛需殆惑給意孽擬驚莫歎恠疑也

詩鴈鳩篇其儀不忒左傳昭廿七年天命不怙久矣
哀六年需事之下也公羊襄五年傳莒將滅之故相
與往殆乎晉也論語四十而不惑赤也惑史記高祖
本紀乃給爲謁曰漢書梁孝王武傳於是天子意梁
鼂錯傳不孽諸侯揚雄傳蟻貳擬而不敢下管子五
輔篇下愈覆驚而不聽從小問篇來者驚距莊子人
間世篇則其信之也莫天運篇惟循大變
無所致者風俗通義恠神篇恠者疑也

禦允期答直防矢膺任衷居蔽如抵殷中塞適齒讎宜
充厭伍加要遇每分鍾當也

易漸利用禦寇詩黃鳥篇百夫之禦易升允升大吉
書大禹謨期于予治牧誓篇昏棄厥肆祀弗答詩柏
舟篇實爲我特陸德明釋文特韓詩作直國策齊策
直使送之詩黃鳥篇百夫之防皇矣篇無矢我陵閔
宮篇戎狄是膺左傳僖十五年衆怒難任昭十六年
發命之不衷禮記王制篇數各居其上之三分論語

一言以蔽之國策宋策宋之不足如梁也中山策臣
抵罪史記天官書衡殷南斗孔子世家言六藝者折
中於夫子漢書成帝紀舉錯不中刑法志以塞詔而
已賈誼傳以爲是適然耳枚乘傳腐肉之齒利劒灌
夫傳所言灌夫頗不饒張騫傳從蜀宜徑揚雄傳充
庖厨而已敎傳秦皇東游以厭其氣後漢書曹節傳
越騎營五百妻李賢注引韋昭辨釋名曰五字本爲
伍老子抗兵相加荀子禮論篇以隆殺爲要大略篇
無用吾之所短過人之所長呂氏春秋貴直論每斷
者以吾參夫二子者乎文選宋玉神女賦含然諾其
不分兮鮑昭舞鶴賦鍾浮曠之藻質

括攻造興出制掉合作也

易繫辭傳動而不括詩靈臺篇庶民攻之周禮膳夫
卒食以樂徹于造儀禮士冠禮夏之末造也周禮舞
師凡小祭祀則不與舞禮記月令篇出土牛以送寒
氣孟子可使制挺國語楚語大能掉小漢書律厯志
黃帝合而不死名

且此也

詩載芟篇
匪且有且

狃嗣修便講祖簡教伏積安漸習也

詩大叔于田篇將叔無狃于矜篇子寧不嗣音禮記
學記篇藏焉修焉表記篇故自謂便人國語周語而
一時講武魯語終則講于曾祖識地德吳語簡服吳
國之士於甲兵國策秦策兵法之教史記漢興以來
諸侯年表伏邪臣荀子儒效篇有師法則隆積矣呂
氏春秋樂成篇三世然後安之淮南繆稱訓良工漸
乎矩鑿之中

遂艾昔永古填奄修腊遠滯淫老陳著央頃般久也

詩氓篇言既遂矣侯人篇不遂其媾庭燎篇夜如何
其夜未艾墓門篇誰昔然矣白駒篇以永今朝縣篇
古公亶父桑柔篇倉兄填兮瞻卬篇孔填不寧臣工
篇奄觀銍艾周禮考工記弓人則及其大修也禮記

郊特牲篇于舊醢之酒也鄭注爲其味厚腊毒也論語致遠恐泥國語魯語敢告滯積以紆職事晉語底著滯注且楚師老矣漢書文帝紀或以陳粟莊子庚桑楚篇甲氏也著封也素問生氣通天論精神乃央文選郭璞江賦千里俄頃李善注引莊子不待頃矣賈誼弔屈原文般紛紛其離此尤兮

泊以好伎奉致資爲貺舉與也

書無逸篇爰泊小人詩江有汜篇不我以擊鼓篇不我以歸桑柔篇不胥以穀小明篇好是正直說文人部引詩曰箚人伎忒左傳僖卅三年天奉我也公羊莊卅二年傳吾將焉致乎魯國國策秦策太子何不倍楚之割地而資齊管子戒篇自妄之身之不爲人持接也楚辭九章悲回風篇更統世而自貺七諫初放篇舉世皆然兮

上烝踐騰階陵冲陞也

升與陞同

易需雲上於天書多方篇不獨烝左傳宣十六年穀烝國語周語彌於既烝陰迫而不能烝烝與烝同罔

語陽氣俱蒸禮記中庸篇踐其位漢書禮樂志騰大
歌後漢書張衡傳天不可階仙夫希周黃徐姜巾屠
傳陵阿窮退凌與陵通文選張衡東京
賦凌天池素問解精微論惋則冲陰

匱漉屈弊絕各竭也

詩既醉篇孝子不匱禮記月令篇毋漉陂池老子虛
而不掘陸德明釋文掘河上公本作屈管子侈靡篇
澤不弊而養足淮南本經訓江河山川絕
而不流楚辭九思憫上篇冰凍兮各澤

漑湑絜靜靖清也

詩洞酌篇可以濯漑儀禮士冠禮旨酒既湑禮記鄉
飲酒義主人之所以自絜而以事賓也史記五帝紀
直哉惟靜絜文選張衡思
元賦既防溢而靖志兮

貳攝序代也

左傳僖十五年其卜貳圉也周禮大宗伯若王
不與祭祀則攝位儀禮燕禮序進大射儀同

服酉執也

論語有事弟子服其勞國語吳語夜中乃命服兵撥甲漢書敘傳說難既酉

作惓惓崇興也

書汨作序作汨作詩谷風篇不我能惓論語摘輔象隕卽受延惓文選張衡東京賦進明德而崇業

哿休嘉也

左傳昭八年哿矣能言國語楚語以休懼其動

釋畔解遺施頓舍也

左傳哀八年乃請釋子服於吳國語楚語畔者半矣漢書五行志解舍也呂氏春秋下賢篇夫相萬乘之國而能遺之楚辭天問篇夫何三年不施文選陸士衡演連珠臣聞飛轡西頓

堅止闕惕蕃弭艾蘇罷閒寧舍臥噓偃卻孳定躔空息

也

詩谷風篇伊余來墜假樂篇民之攸暨相鼠篇人而無止節南山篇俾民心闕苑柳篇不尙惕焉民勞篇汔可小惕左傳僖廿三年其生不蕃成十六年若之何憂猶未弭襄九年大勞未艾禮記樂記篇蟄蟲昭蘇論語欲罷不能國語晉語可以少間閔子與蘇未寧漢書高帝紀欲止宮休舍後漢書隗囂傳棄弓臥鼓莊子齊物論篇仰天而嘘徐無鬼篇偃兵其可乎天道篇今吾心正卻矣列子湯問篇其民孳阜無數荀子儒效篇反而定三革文選張衡思元賦羈建木於廣都兮江淹別賦巡層檐而空掄

庠聚全具也

詩臣工篇庠乃錢鍾考工記弓人六材既聚禮記祭統篇不明其義君人不全

恩字媚依寬子幼親順私喜玩嬖嗇仁悞忠哀好愛也

詩鴟鴞篇恩斯勤斯生民篇牛羊腓字之左傳成四年其肯字我乎思齊篇思媚周姜載芣篇有依其士

禮記表記篇以德報怨則寬身之仁也中庸篇子庶民也孟子幼吾幼信以爲人之親其兄之子孝經故親生之膝下孟子爲不順於父母國策秦策王雖有萬金弗得私也齊策私我也史記扁鵲倉公傳問中庶子喜方者漢書五行志主民玩歲而愒日後漢書袁紹劉表傳贊同皇家嬖周磐傳贊膏神養和家語冠頌解膏於時墨子經仁體愛也列子黃帝篇不佞不愛呂氏春秋至忠篇權動其心以忠也報更篇人主胡可以不務哀士楚辭九章惜誦篇父信讒而不好

朶蕩鼓觸悼蹈債豐興變躁舉移扞起愴慟駭澹徹崔運擊撓作揚挺發兢驚竦動也

易頤觀我朶頤繫辭傳八卦相蕩禮記樂記篇天地相蕩論語今之狂也蕩易繫辭鼓之以雷霆鼓之舞之以盡神觸類而長之詩羔裘篇中心是悼苑柳篇上帝甚蹈左傳僖十五年亂氣狡憤襄廿六年夫小人之性繫於勇周禮考工記弓人末應將興禮記檀弓篇不可以變月令篇處必掩身毋躁國語晉語君

爲是舉晉語非上不舉弗能移也故不可刪也史記
樂書粗厲猛起漢書李廣傳威稜懾乎鄰國蕭望之
傳哀慟左右揚雄傳同殿肆其錫駭兮後漢書班彪
傳靡微風澹淡浮管子弟子職篇俯仰聲折折毋有
微莊子大宗師篇崔乎不得已山木篇運物之泄也
田子方篇目擊而道存矣天地篇手撓顧指荀子解
蔽篇作之則將呂氏春秋必己篇盡揚播入於河忠
廉篇不足以挺其心矣淮南原道訓非謂其底滯而
不發廢與發通論語廢中權太元逃次三就其股書
大傳儀伯樂舞龔哉文選揚雄羽獵賦軍驚師駭木
華海賦莫振莫竦

詳徵密誠敏展明研審也

易大壯不詳也詩牆有茨篇不可詳也左傳襄廿八
年以徵過也周禮考工記廬人傳人則密禮記經解
篇繩墨誠陳左傳僖廿三年辟不敏也爾雅釋樂商
謂之敏國語周語和展百事國策齊策此不叛寡人
明矣文選張衡東京賦研覈是非

遇槃廉斷提塞斗挈炕殞過亾絕也

易象傳君子以遇惡揚善書舜典篇四海遇密八音詩長發篇苞有三槃周禮考工記輪人外不廉而內不挫禮記王制篇瘖聵跛躄斷者少儀篇離而不提心國語晉語是自背其信而塞其忠也漢書郊祀志盛山斗入海匈奴傳漢亦棄上谷之斗辟縣司馬相如傳挈三神之歡揚雄傳搯其咽而炕其氣後漢書隗囂傳妻子顛殞呂氏春秋決勝篇巧拙之所以相過太元交次四得亡之門

值一乃也

史記春申君傳遲令韓魏歸帝重於齊索隱曰遲音值呂氏春秋知士篇一至此乎

方美揚言問猶倫階略術所始象紀經義說暢迹道也

易繫辭方以類聚而揆其方禮記樂記篇是先王立樂之方也樂成而民鄉方論語可謂仁之方也已書康王之誥篇誕受美若詩牆有茨篇不可詳也陸德明釋文詳韓詩作揚東門之池篇可與晤言女曰雞

鳴篇雜佩以問之采芑篇克壯其猷斯干篇無相猶
矣小旻篇謀猶同通禮記禮器篇匪革其猶詩正月
篇有倫有脊論語言中倫左傳襄廿四年懼而思降
乃得其階昭廿四年誰生厲階定四年吾子欲復文
武之略禮記樂記篇不接心術大傳篇服術有六穀
梁宣十五年傳滅國者三術禮記哀公問篇求得當
欲不以其所老子始制有名執大象呂氏春秋孟春
紀無亂人之紀當染篇得其經也高義篇公生過語
墨子之義當務篇備說非六王五霸太元
元圖條暢乎四楚辭天問篇皆微循迹

具蓋舉純畢達會共齊類一俱皆也

詩楚茨篇神具醉止黍苗篇蓋云歸哉左傳襄六年
君舉不信羣臣乎周禮考工記玉人諸侯純九大夫
純五禮記緇衣篇事純而祭祀儀禮士昏禮從者畢
元端禮記禮器篇君子達壺壺焉樂記篇會守拊鼓
內則篇共帥時史記平準書民不齊出於南畝後漢
書郵壽傳類不檢節大戴記衛將軍文子篇則一諸
侯之相也荀子勸學篇一可以爲法則壹與一同禮
記大學篇壹是皆以修身爲本家語弟子行篇壹諸

侯之相也義並同呂氏春秋蕩兵篇與始有民俱

息胄師殖養胥卿霸阜滋帥遂作上益長也

易彖傳水火相息孟子其日夜之所息書舜典篇敎
出子益稷篇州十有二師周禮地官序官鄉師左傳
昭元年爲元冥師其生不殖二年宿敢不封殖此樹
十八年夫學殖也廿年私欲養求周禮地官序官鄉
老注師正胥皆長也論語出則事公卿孟子以善服
人者霸國語魯語助生阜也齊語遂滋民五鄉之帥
帥之犧牲不略則牛羊遂老子未知牝牡之合而全
作呂氏春秋論威篇君臣上下察今篇濞水暴益

枚麗更過離行陵緣經歷也

書大禹謨枚卜功臣詩魚麗篇魚麗于罍大東篇終
日七襄鄭箋謂更其肆也公羊隱六年傳首時過則
書國語晉語非天不離數行年五十矣史記秦始皇
紀陵水經地漢書五行志時有雹殺飛禽上緣求妃
文選任昉哭范僕射詩經途不盈旬

撰總說艾校漢與料策占純効員紀術摹數也

易繫辭傳以體天地之撰詩羔羊篇素絲五總擊鼓篇與子成說訪落篇朕未有艾周禮鄧長以時校登其夫家司書凡稅斂掌事者受灋焉禮記曲禮篇生與來日死與往日國語晉語宣王料民於太原國策秦策王之料天下過矣史記武帝紀迎日推策幽明之占蘇秦傳錦繡千純淮陰侯傳諸將効首虜漢書尹翁歸傳責以員程呂氏孟冬紀飭喪紀淮南本經訓用兵有術矣太元元攤攔神明而定摹

物訾相也

左傳昭卅二年物土方周禮籙師物之可以封邑者儀禮既夕記豕人物土呂氏春秋知度篇訾功丈而數知人

毒擊渫釐御辟易旬徹弗截敦拔討庀辯作養除沐領平飭道瀹完芸事挺聽佐居覆統揣滑辨牧救正鍊扶

飾政斷錯治也

易師以此毒天下而民從之蒙擊蒙井井渫不食書
堯典篇允釐百工泰誓篇越我御事金縢篇我之弗
辟詩甫田篇禾易長畝左傳襄廿一年司空以時平
易道路詩信南山篇維禹甸之韓奕篇同公劉篇徹
田爲糧崧高篇徹申伯土田生民篇芾厥豐草常武
篇截彼淮浦閔宮篇敦商之旅說文上部引詩曰武
王載坂左傳宣十二年其君無日不討國人而訓之
論語世叔討論之左傳襄廿五年子不使庀賦昭元
年主齊盟者誰能辯焉周禮稍人以涉揚其芟作田
疾醫以五味五穀五藥養其病孟子養心莫善於寡
欲禮記曲禮篇馳道不除擅弓篇夫子助之沐柳仲
尼燕居篇領惡而全如者與公羊隱元年傳公將平
國而反之桓國語吳語周軍飭壘論語道千乘之國
孟子論齊澤而注之海父毋使舜完廩而芸人之田
國策秦策而詳事下吏齊策挺子以爲人不可以不
聽也大戴記衛將軍文子篇靡於其事上也以佐其
下逸周書作雒解農居鄙得以庶士漢書江都易王
非傳漢廷使者卽復來覆我賈山傳自以爲過堯舜

統老子揣而銳之莊子繕性篇滑欲於俗思荀子議
兵篇城郭不辨成相篇請牧基賢者思呂氏春秋勸
學篇是救病而飲之以堇也順民篇湯克夏而正天
下淮南墜形訓鍊土生木鍊木生火鍊火生雲本經
訓扶撥以爲正飾曲岸之際記論訓聽天下之政說
林訓是而行之故謂之斷文逸例晏景福殿賦鈞錯
成矩

秣食奉字參御生粥利保蓄谷攝捷宦養也

詩漢廣篇言秣其馬左傳文十八年功以食民昭六
年奉之以仁十一年使字敬叔廿九年故國有參龍
氏御龍氏哀十一年是參吳也夫周禮大宰以生萬
民六曰生以馭其福修閭氏與其國粥大戴記夏小
正篇雞桴粥初俊羔助厥母粥鬻與粥同莊子德充
符篇四者天鬻也儀禮士虞禮西面告利成國語周
語事神保民晉語蓄力一紀老子谷神不死谷河上
本作浴同蓋聞攝生者呂氏春秋論威篇其藏於民
心捷於肌膚也文選范蔚
宗宦者傳論題李善注

越齊貶陷顛隤隊也

書太甲篇無越厥命以自覆盤庚篇顛越不恭左傳
成二年越於車下書微子篇今爾無指告子顛齊孔
疏引左昭十三年傳知齊于溝壑矣案今左傳作擠
于溝壑是擠齊通矣又案史記引微子作顛蹟與馬
注同是蹟齊亦通詩召旻篇我位孔貶國語魯語上
陷而不振漢書五行志厥應泰山之石顛而下蘇武
傳士衆滅今名已隤

閱謹敬諡審慎也

書大誥篇天閱毖我成功所詩民勞篇以謹無良閱
子小子篇夙夜敬止文王篇鄭箋崩諡曰文呂氏春
秋音律篇審民所終

豫震善好怕喜也

易豫鄭注象傳君子以赦過宥罪虞翻注震喜也荀
子解蔽篇其爲人也愚而善畏其爲人也善射而好

思書大傳
師乃指

禽止獲也

易象傳舊井無禽左傳襄廿四年收禽挾
囚莊九年是以皆止僖十五年將止之

連忌故限重紛劇危亂殲鯁良難也

易蹇往蹇來連國語晉語好專利而不忘鄭語王室
多故國策秦策足以爲限史記張耳陳餘傳豈以臣
爲重去將哉漢書揚雄傳何純潔而離紛後漢書列
女傳不辭劇易呂氏春秋本味篇犯危行苦爲欲篇
不敢亂矣太元殲首殲陽氣微動動而殲密次
七密有口小鯁大君在無後守次四象良有守

儼覃羸戾賴德廉市厲便鉞息資養宥私通衛憺巧利也

詩還篇揖我謂我儼兮大田篇以我覃耜左傳昭元
年賈而欲羸而惡器乎禮記大學篇一人貪戾國語

周語先王豈有賴焉國策秦策爲秦則不賴矣周語
下非地德晉語殺君以爲廉越語又身與之市國策
秦策綴甲厲兵或謂救之便史記蘇秦傳錢戈在後
孟嘗君傳貸錢多者不能與其息後漢書杜喬傳故
陳資斧而人靡畏管子國蓄篇故塞民之養呂氏春
秋去宥篇此有所宥也長利篇而以私其子孫達鬱
篇血脉欲其通也淮南原道訓鬱基衛之箭主
術篇兵莫憚於志楚辭離騷余猶惡其佻巧

諂懷僂佞也

公羊隱四年傳公子翬諂於隱公淮南主術訓不知
而辯慧懷給楚辭九章惜誦篇忘僂媚以背眾兮
爲莽作事弟徇相率使也

易井爲我心惻國語晉語其爲後世昭前之令聞也
詩桑柔篇莽云不逮周禮象胥凡作事司土作六軍
之士儀禮鄉飲酒禮作相爲司正鄉射禮西階上北
面作衆賓射作上耦射燕禮小臣作下大天二人媵
爵大射儀同擯者作大夫長升受旅聘禮則公作大
夫致之以酬幣致食以幣幣公食大夫禮同國語魯

詰備承事也漢書陳勝傳藉弟令毋斬莊子人間世篇夫徇耳目內通呂氏春秋誠廉篇相奉桑林淮南時則訓天子親率三公九卿大夫

馴由隨服如順腴累殉與道屯適撚信阿附化逐從也

易坤馴致其道豫由豫詩君子陽陽篇右招我由房賓之初筵篇匪由勿語禮記曲禮篇由客之左論語民可使由之易隨釋文書舜典篇五刑有服左傳宣十二年有律以如己也儀禮特牲饋食禮南順穀梁隱七年經叔姬歸于紀范甯注此歸者待年於父母之國六年乃歸腴之桓二年傳以是知君之累之也孟子以道殉身故驅其所愛子弟以殉之國語齊語桓公知天下諸侯皆與己也史記秦始皇紀道上黨入後漢書張衡傳屯騎羅而星布荀爽傳截趾適履逸周書大武解五後動撚之呂氏春秋勸學篇師傳則言信矣長見篇阿鄭君之心淮南主術訓百姓附昆蟲與之陶化楚辭九歌河伯篇乘白鼃兮逐文魚

襄伊介遂沿踵假受任因也

書卑陶謨思日贊贊襄哉詩漆洧篇伊其相譖左傳
僖七年而求介於大國文六年介人之寵成十六年
敢介大國以求厚焉襄廿四年以陳國之介恃大國
哀十四年介達之儀禮燕禮遂卒爵聘禮遂命使者
禮記樂記故明王以相沿也漢書刑法志踵秦而置
材官於郡國莊子大宗師篇假於異物呂氏春秋慎
勢篇位尊者其教受文
選謝莊雪賦任地班行

帥掌糾辯掉引狃肇審矯攝訐振輔幹正也

易繫辭傳初帥其辭周禮家宗人掌家禮大司馬以
糾邦國儀禮士相見禮必辯君之南面禮記曾子問
篇有司弗辯左傳宣十二年掉鞅而還昭元年引其
封疆晉語使臣狃中軍之司馬齊語躔本肇末審吾
疆場而反其侵地漢書成帝紀將何以矯之後漢書
鮑期傳攝轡復戰李雲傳曷其絞訐摩上管子小問
篇以振其淫呂氏春秋重言篇有輔王室之
固文選張衡西京賦婁敬委繫幹非其議

畜孝也

禮記孔子閒居篇以畜萬邦坊記篇以畜寡人

灌奠效戲獻也

禮記禮器篇灌用鬱鬯論語禘自既灌而往者禮記玉藻篇唯世婦命於奠薦漢書元后傳天下輻湊自效古微書引禮含文嘉戲者獻也

瀆蠱雜擾紊昏庖錯發構瀆芬耄閒煩奪困暴淫濁駭營歷同耗變憤替悖瀆蒿釐慮散挈姦荒狂干溷蔓亂也

易蒙再三瀆蠱釋文雜卦傳孟注書允征篇倂擾天紀盤庚篇有條而不紊牧誓篇昏棄絕祀事弗咎周官篇不和政厖斂子序既錯天命詩谷風篇毋發我笱青蠅篇構我二人召旻篇無不潰止左傳隱四年治絲而棼之也昭元年諺所謂老將知而耄及之者定四年恭閒王室周禮考工記弓人夏治筋則不煩

禮記仲尼燕居篇給奪慈仁論語不爲酒困孟子無
暴其氣暴君代作富貴不能淫國策秦策書策稠濁
宋策而國人大駭大戴記文王官人篇煩亂之而志
不營子張問入官篇歷者獄之所由生也漢書禮樂
志蕭何如誰能同食貨志則官職耗廢尹翁歸傳入
市鬪變教傳周賈盜而貢憤兮後漢書韋彪傳且眩
瞽滯疾黃昌傳年老多悖政管子勢篇以待天下之
漬作也莊子駢拇篇蒿目而憂世之患列禦寇篇使
人輕乎貴者而整其所患呂氏春秋長慮篇無慮吾
農事淮南原道訓不與物散本經訓芒繁紛挐主術
訓各守其職不得相姦倏躁康荒則狂而操利飯說
林訓不得相干楚辭離騷世溷濁而不分兮九思憫
上篇鬚髮蔓
領兮顚鬢白

酌揲庖弋翼刈將堅手養抒搏賦嗾浚援斟引納市徒
縮征求攘飪圖要割牟釣包伐倅受舉得擇擢偷吸丸
襲取也

易損酌損之義記功記篇上酌民言灼與酌通溺
醉辭難酌法翻離卦作引莊子田子方篇夫水之
如灼也易繫辭傳探之以四時古者庖犧氏之王天
下也書多士篇非我小國敢弋殷命弋馬本作翼詩
萬覃篇是刈是穫芣苢篇薄言將之標有梅篇頃筐
堅之賓之初筵篇賓載手仇酌篇遵養時晦生民篇
或春或揄毛傳掄扞曰也左傳莊十一年若顓孫生
搏之傳廿七年賦納以言公羊哀十二年傳譏始用
田賦左傳宣二年公喉夫焚焉襄廿四年而謂子浚
我以生乎禮記儒行篇上弗援國語周語而後王樹
酌焉晉語引黨以封已納其室以分婦人齊語市賤
鬻貴吳語徙其大舟楚語縮於財用則匱國策秦策
縮劍將自誅孟子上下交征利勿求於心今有人日
攘其鄰之難者是以言餽之也國策秦策而天下可
圖也要絕天下然後王可以多割地漢書食貨志亡
所牟大利公孫宏傳誠飾詐欲以釣名賈誼傳淮陽
包陳以南鍵之江敘傳包漢舉信老子不自伐故有
功管子宙合篇靜默以侔免海王篇釜十五吾受而
官出之以百呂氏春秋下賢篇莫之舉也報更篇臣
弗得也驕恣篇存其所擇淮南倣真訓擢德捲性說

林訓偷肥其體太元元圖邪謨高吸文選馬融長笛賦大槌彫琢陸機五等論新都襲漢

仁存也

禮記仲尼燕居篇郊社之禮所以仁鬼神也

考仕司糾覆譏監聽督廉統案檢忭原行謀察也

中以自考也詩節南山篇弗問弗仕周禮司士虎門之左司王朝媒氏司男女之無夫家者而會之宮正掌王之戒令糾禁考工記弓人覆之而角至禮記王制篇關執禁以譏國語晉語監戒而謀國策秦策王何不聽乎史記李斯傳行督責之術漢書高帝紀且廉問有不如吾詔者兒寬傳統緝羣元後漢書鍾離意傳府下記案考之周黃徐姜申屠傳驃騎執法以檢下管子小匡篇曹孫宿之爲人小廉而苛忭戒篇春出原農事之本者謂之遊呂氏春秋季夏紀入山行本文選張衡思元賦疇克謀而從諸

羨孺宅羸尙緒餘也

詩十月之交篇四方有羨孟子以羨補不足漢書食貨志田其宮墻地陸賈傳它送亦千金荀子非相篇與世偃仰緩急贏絀太元竈次二其中裔楚辭九章涉江篇欸秋冬之緒風

印倍獻遡孟迎也

國語晉語有原以印浦而後大史記天官書其人達倍化言淮南天文訓大淵獻之歲法言五百篇其遡於日乎書大傳天子大子年十八曰孟侯

魁端表顛上首也

禮記檀弓篇不爲魁孟子仁之端也漢書馮奉世傳威功白著爲世使表周牌算經以繩繫表顛呂氏春秋義賞篇雍季在上

繫嗣緝庚更引緝繼承融續也

易繫辭釋文詩子衿篇子寧不嗣音左傳襄十九年所不嗣事於齊者卅年誰其嗣之詩行葦篇授几有

緝御大東篇西有長庚國語晉語姓利相更後漢書
班彪傳固又作典引篇將緝萬嗣呂氏春秋上德篇
所以行墨者之義而繼其業者也楚辭招魂
篇朱明承夜兮白虎通義號篇融者續也

底奠隲休疑正登審成處固揣澹亭定也

書舜典篇乃言底可績禹貢篇奠高山大川周禮職
幣皆辨其物而奠其錄書洪範篇惟天陰隲下民史
記宋微子世家引書作維天陰定下民詩民勞篇汔
可小休桑柔篇靡所止疑儀禮士昏禮鄉飲酒禮鄉
射禮公食大夫禮凡疑立句注竝云疑正立也自定
之貌周禮宰夫歲終則令羣吏正歲會鄉大夫以歲
時登其夫家之衆寡族師登其族之夫家衆寡考工
記弓人冰析瀾則審環國語周語聽無聲成也晉語
蚤處之夫固國者在親衆而善鄰國策秦策簡練以
爲揣摩後漢書馮衍傳意樹懼而不澹兮懔與澹通
淮南子淑真訓蜂蠆螫指而神不能憺文選謝靈
運初去郡詩止監流歸停李善注停與亭同

殆狎菊寺感接卽介汔獻奠濱替右邊駙屬寢耽跬嫌

居倚短薄數近也

易繫辭傳其殆庶幾乎詩節南山篇無小人殆書大甲篇子弗狎于弗順禮記曲禮篇賢者狎而敬之書武成篇有死魄詩瞻卬篇時維婦寺周禮考工記弓人賦於剡而休於氣儀禮聘禮賓立接西塾公羊宣元年傳不即人心穀梁莊十八年傳不使我邇於我也陸德明釋文邇一本作介爾雅釋詁覲汔也釋天太歲在亥曰大淵獻釋地兩河閒曰冀州國語齊語是以濱於死楚語居寢有替御之箴國策魏策衍將右韓而左魏史記高祖本紀齊邊楚漢書百官公卿表駙馬都尉張良傳天下屬安定薛宣傳上寢之源敘傳懷祿耽寵莊子駢拇篇而敝跬譽無用之言呂氏春秋貴直篇固嫌於危誣徒篇居則不安先識篇男女切倚長見篇以其長見與短見也淮南本經訓有薄衆宜家語賢君篇故夫不比於數而比於疎

居安坐也

禮記樂記篇

居吾語女

居坐也

周禮凡以神仕者以猶鬼神示之居

聿維也

左傳昭廿六年聿懷多福

繫只伊之尼然祇是也

詩雄雉篇自詒伊阻鄭箋伊當作繫左傳僖五年惟德繫物詩南山有臺篇樂只君子采芣篇同漢書禮樂志伊樂厥福管子小稱篇故之身者使之愛惡莊子徐無鬼篇之狙也周書文酌解三尼太元務次四測曰矢及蓋車厥道然也文選張衡東京賦祇吾子之不知言也

終窮止已也

左傳僖廿四年婦怨無終淮南原道訓並應無窮文選張衡東京賦神具醉止

崇竟究遂果歸實昔幾射考終也

詩蝦蟇篇崇朝其雨瞻卬篇諧始竟背逸周書文酌解維有永究大子晉解遂巡而退其不遂呂氏春秋忠廉篇果伏劍而死順說篇與盛與衰以之所歸務大篇其實無不安者任地篇孟夏之昔淮南繆稱訓君子幾白虎通義五行篇射者終也楚辭九歎怨思篇身憔悴而考旦兮

亾斃徂終入暮殊戮殺逝物故死也

公羊桓十五年傳祭仲亾矣詩皇矣篇其蓄其翳孔穎達正義引爾雅釋木斃者翳國語晉語犬斃小臣斃孟子放勳乃徂落周語司民協孤終莊子庚桑楚篇入無竅至樂篇若果養乎陸德明釋文養司馬本作暮在宥篇今世殊死者相枕也呂氏春秋貴信篇戮於君前楚辭九歌國殤篇嚴殺盡兮棄原塋文選謝瞻張子房詩逝者如可作漢書司馬相如傳士卒多物故

拾雅卷第二終

男齊林拔利